



浙江圖書館

811.18
3324



浙江圖書館

限制
出借

浙江圖書館



浙江圖書館



節庵先生遺詩卷四

番禺 梁鼎芬

辛卯元日

日月一以邁志士無窮期
茲辰慶歲首萬樹迎朝暉
勞生三十三今是昨未非
山中爾何人木食而草衣
寒泉徹肝膽清風醒心脾
枝頭春鳥鳴欣欣得所歸
故山豈不懷腥濁辭芳菲
佳人不隨世智者要見微
滔滔江海流目眇心更違
彈琴以樂道讀書且忘飢

佳兒一首

奪情恩旨出丹除海外東
還雪滿裾誰見曹勛持使節
未聞崔善上封書墨纒飲泣
知何極金革從權或不如
兩世佳兒都仕宦九原慈母幾欷歔

聞王殿撰出守鎮江寄詩賀之

帝命詞臣守潤州
聲名諤諤出時流
懷恩共信心如面
發議真成骨在喉
畧慰平生將母願
定攄當軸蔽賢憂
待君已辦焦巖酒
如此江山那可求

從王鎮江飲初識鄭刑部錢鄭故先舅所取士也

追舊書情一首

吾舅天下士麟鳳
照家邦袖手觀世務
沈飲成酒狂繫
余最相似同輩呼
張梁媿非劉孝綽
安能擅文章君才
究衆藝苗父術更良
廢疾若有待奮飛
不在牀何至沈
三泉淹忽歷五霜
故人感夙好自注舅為王鎮江同榜進士交誼至洽
子摧中腸死者已達
化生者猶淒涼
傳衣子可託學術
宗歐陽往時不盡意
後死引之長儻齊賢
太守一救斯

民傷

陪王太守登鎮江城樓

天下爭傳鐵甕名使君政暇一登城沈吟韓滉南征記
慨慕劉牢北府兵田野尚荒廉吏貴市廛無實遠人輕
又看番船沿江上桑土綢繆計可成

望雨

吾聞鎮江農久旱鮮一飽今年春雨絕赤日光杲杲高
原樹身圻下隰麥脚倒土堅牛不進水涸魚盡薨凋敝
既堪慮災凶更難保遺蝗況深入乖龍但自了我生鈍
如錐要術尚粗曉無家猶望歲一日千念禱匹夫繫天
下民病事不少出聞里巷語北來長官好吾友英且仁
行將活枯槁

禱雨

今夏久未雨赤日光隆隆江邊那知旱苦語聞老農山
田土不破泥井泉不通民間久彫敝況乃懼災凶吾儕
召天罰敢謂官無功側聞新太守立朝世清忠下車未
幾日步禱不有躬哀哉天難聞近者術幾窮先生學道
人閒居意從容豈識農事苦終歲心沖沖聽之發深慨
余亦一村傭僥倖竊天祿無德遂不終月令尚記憶要
術曾發蒙雖無斯民責憂樂實所同老農去不顧我貌
愧且恭惆悵萬里客夢寐懷昌豐又見祈雨僧禮佛撞
清鐘

王太守禱雨歌

浙
勸農使者近有誰治民但恃鞭與筆太守忠誠出天姿

真興寺事復見之不怨龍慵慳厥施諒輔省已吾能爲

禱雨未雨風倒吹自注禱雨之日風大作君回詣風神廟求息再禱雨果下先刑白

鵝鵝勿悲殺一濟萬天地怡人人翹首觀此時謂君祖

德世所師忠悃未盡傳家宜巍巍第一麟豹奇君獨沈

澹如未知欲以口舌談安危天子試汝假一麾北府之

雄今已疲下車十日嗟瘡痍幼秧欲焦無可醫朝夕祈

拜忘飽飢若此赤子惟我私同憂共樂人不疑雷鼓坎

坎雷母隨須臾甘霖徧九達聲動市野歡鰥嫠當官至

誠感如斯天人甚近妄者遺董子繁露非誕辭願持此

念更不衰廣宣帝澤光門楣

公定太守書來喜得雨數寸復報此詩

平生好幽居聞雨動悽怨瀏瀏竹間來昨宵獨無悶草

木歇薰煮禾麥發新嫩有如脫枷杻寬政不汝困書詞
尚皇媿民命重繾綣禍福無定在倚伏視方寸莫愆飢
溺心各保當初願裁詩不罄誠既喜聊以勸

挽汪文璪六首

大雅嗟淪落天涯獨愴傷論詩無此老耽病不求方貞
白真堪諡蕭間竟可常他年先友傳應爲表孤芳
追往青湖集探幽白石詞丹黃常不舍杖履偶相隨辟
地成長別藏山憶素辭篋中紈扇在淒斷末春時
雪化松姿瘦風搖燭淚紅无聞曾自許有好便能工後
世誇餘事勞生署寓公山陰舊廬盡憑弔倚煙篷
臨餐媿田父感舊撫遺孤苦語吾能采深情近已無定
知非絕眾即是信爲儒故國風流歇斜陽暗綠蕪

壽詞慚短製祖德託高文兩世交游熟比鄰贈蒼紛招
魂空有賦執紼未同羣令子方求祿悲哀不可云
再過隨山館先生百世人披書猶彷彿歎逝更酸辛歸
去看無日漂流厭此身涉江神不泰吟罷一沾巾

簡王鎮江

太守英名媿大蘇愛民課士近來無時艱未可馴龍性
事往方驚捋虎鬚風雨歲寒將鄭重園林春好玩須臾
不煩清夢鴉啼醒世路于今有坦途

海西庵夜

笛聲幽怨在天涯但憶春時不憶家一月照人淒欲絕
寺牆開滿海棠花

龍伯鸞表弟問病山居出示京師見懷詩依韻荅

謝六首

藤花朱十宅憐爾獨余思別酒過三葉疏麻折一枝瓊
芳憑寤寐幽恨結歌辭正是江邊寂來尋不忍離

浮海曾無侶看山豈爲名龕鐙殘火在僧課曉鐘清未
覺風霜烈微聞燕雀爭此身極瀟灑遲月共江城

遠水浮雲合閒亭芳草深無人安獨病有意戰羣陰計
已擒王失心猶對陣欽君詩應可愈一月未調琴

試擊江中楫還翻篋裏詩夢回空說劍情重待題碑共
汝孤零久從人去就疑由來松柏性不貴已多時

霜寺更初靜風窗雨細聽雁行驚漸散鳳迹竟難停多
患餘青鬢前生問紫萍帽勞猶不惜去鳥幾曾醒

明月身何處他時意可如愛君猶我弟奉母且閒居舊

宿三間屋新鈔百卷書人間程懿叔消息未應疏

寄于布政

蔭霖

讀易知憂患開緘啟夢思風鐙欺病榻兩坐製秋詞有
罪加文舉同心但子期重逢真不定應未怨明時

月

萬里洗一白遙山畫眾綠樹影明見僧招要共落蓐船
榔不聞響鄰笙已停曲惟有兩三鴉飛飛度林屋

寄懷宗室祭酒

盛昱

子固神儀絕世奇意園林木幾人知風狂雨橫何曾到
葉落花開有所思千里夢君猶識路八年去國且編詩
沈吟雪夜紅鐙冷袖裏瓊簫卻付誰

寄題十桂堂

有序

武昌節署園有十桂孝達尚書取以名堂題額
云樹皆舊物不知爲郭華楚孫文定阮文達林
文忠何人所植名此以著封植嘉樹之意復書
魚鳥親人濠濮想桂山留客楚騷詞十四字爲
聯託慕高遠深愜余懷往與叔嶠香驄吟眺其
間木石蒼秀恒不忍去別已一月爰寄是詩達
公補重陽作有寒煙去雁窮懷抱蓋用范文正
漁家傲詞旨以廣之

桂山留客酒頻傾絕世芳菲不自呈樹木盡憑天長養
樓臺全向日光明投林坐笑鴉爭暝臨水誰知鶴獨清
莫羨希文窮塞主歲寒心事更崢嶸

秋意

黃葉滿山窗微月映秋色海棠花可憐娟娟更愁極春
華若飄蕪把玩成追憶老僧說法久此意豈復識雲中
一鶴叫牆下萬蟲唧攪予千載心孤鐙耿不息

十二月二十日孝達尚書宴集凌霄閣有詩奉和

我生于世多得閒青衫如葉塵未殷腹飢便須熟書讀
手嬾不復強弓彎尚書思友招我至有陳三立楊銳易

順鼎同追攀風晴餘雪望更好頗謂樓閣非人間江湖

浩潔收一掌快哉先啟憂國顏千杯不醉萬語醒尚以
健筆誇溪山散人出入不自料但覺羞歎忘間關聚星
堂上事已往歐蘇之作光回環風流未墜六百載舉酒
欲酌黿鼉頑眼前風景似京國日暮回首車斑斑勢成
堆積掃不易自注陳少陽雪詩漸成道防窪陷行孔艱

能使汗泥化冰玉亦恐松桂淪茅菅瓊樓縹緲夢難到
卻喜庭樹春已還市人聲大歌樂歲只欠一鳥啼綿蠻
我初學道已瘖啞去疾不勇終生患酒醒明日添幾許
賴有佳句療予瘵自注余病酒久咳聲
啞伯嚴醫治未愈

伯嚴叔嶠訪予焦山雪中景狀再用前韻為賦

眾生蓬累無此閒綠盡庭草林花殷常時踏月過江岸
細路每為僧巢彎今年觀雪更奇壯瓊瑤萬仞誰敢攀
長江天遠禽鳥絕林巒出沒須臾間衝寒摩頂視千里
一白晃漾余朱顏咄哉二子不到此有夢負卻松寥山
羈愁入酒噓不熱如風啟牖何能關玉龍夭矯恣空際
游山隱隱聞佩環山僧六十半僵卧單行獨賞毋乃頑
藥城先我說堪隱有苗旆旆魚斑斑人生一飽亦前定

萬想俱滅無險艱沙洲寂寞棲幾載孤臣自分埋黃管
翩然鄂渚自來去要知無住猶無還故鄉時物嗟變異
自注廣州無雪六十餘年今冬下數寸貧民凍餓有死者爲憶賢牧曾治蠻寒谷會
須見暖日淺人自昔忘深患東風吹萬散春氣一灑壯
墨蘇窮瘵

除夕服藥有感書示衍若三用前韻

東坡居士因病閒雪凌氣結凍面殷口如老農望雨渴
腰似熟吏趨風彎兩年今夜惟伴藥趙嘉遺刻吁可攀
我知所苦非旦暮三蟲膠漆心腹間其初甚倚元氣固
肯假芝朮延容顏嗔癡未絕況貪酒朝朝爛醉頹若山
冬時之疾嗽上氣俞跗往矣情誰關羣陰戰勝一陽弱
中虛恍有外敵環店去醒來宛相代愈遣雖勁伶真頑

我能說病猶未病試繹莊論同窺斑與君淹泊在茲土
自撫髀肉輕勞艱蓮花墓道久未掃山徑更恐成叢管
難知今世有歸日白雲夢遠先南還孝然寢雪吾最羨
豈顧世上觸與蠻迎年懶檢歲時記但禱我爾無憂患
他人勿笑此願嗇希夷者子忘痼瘵

伯嚴公子餽詩甚美四用前韻答之

今皇初政海上閒歲在元默長星殷宮廷憂做謹天戒
臺諫皆直無鈞轡北帶西于吾所屬卧榻敢使他人攀
惟佛郎機儼自大數載尋釁於其間堂堂使相白衣出
媚敵乃效奴婢顏金錢千萬潑若水戈甲重叠堆如山
盧公死事竟未覩麻衣被體哀邊關鄙哉不及女子智
能謝秦使推連環小臣感憤非好事莊肅拜疏鞭冥頑

宣仁恩厚讒不入萬口譁笑文爛斑丈夫當爲何止此
得名甚恥心苦艱犬羊終逞猩狒哭諫路一旦爲榛菅
言高有罪聖所誠感激慈祐能生還讀書沒世願已足
貺我斯語真不蠻但求服氣至千息奚必見舌消多患
期君風義儷田晝志完灑落醒寒瘵

楊三舍人將還綿竹再用前韻見贈五疊報之即

以爲別

憶昔玉堂鈴索閒馬周初見火色殷通知今古語言妙
不與世俗爲回彎半生冰蘖但子可謂我狷狹無援攀
遠聞潛蛟發水上獨慕孤鳳翔雲間貢誠不至神弗予
重陽寺會澆離顏畫尾題名已埃滅佳人何事埋青山

自注乙酉九日同人集崇效寺錢行到者三十三人鐵
西眉題名卷上後數年有妄男子以詞嚇寺僧截去西

眉不救已三載矣死生聚散眼前耳夢醒不待敲松關嗟君忠
抱久紆鬱青珠搖落淒黃環舞干空羨刑天猛違旨坐
見欽鴉頑春風吹霽一舟上還家恨斷萊衣斑我亦臯
魚痛至骨瀧岡未表孤貧艱故鄉白日走豺虎磨牙噬
人如草管蜀江淫雨復陰惡行客在外多不還吾儕無
用至於此豈尚抗論平羌蠻衙齋春酌辰已備客笑過
午飢可患請君勿語觀積雪試手先藥梅花瘰

天寒一首

修竹天寒翠袖當西風黯淡送殘陽壺公自有藏身訣
冰氏何知得熱方醉卧北窗聊笑傲憤投東海豈佯狂
千年迢遰孤心接夜夜山廬起劍光

歲暮書懷

到處門符換舊題
歲除風物更淒淒
庭梅受凍紅猶勒
瓦雪黏空白竟齊
悶喚茗童煎淡薜
笑開酒母酌鹹齏
江樓一夕成今昔
零落春魂只自悽

壬辰歲朝

三十三年彈指過
拖泥帶水竟如何
此才未必關天下
獨往依然戀夕波
每見江山想豪傑
為尋猿鶴到煙蘿
尊前細把梅花嚼
且試寒香勿放歌

人日病起

花發思鄉儻有情
山中殘雪掃除平
清詩冷落初辭病
遠樹微冥尚禁晴
欲叩神龍窺造化
笑將芻狗擬功名
不知來日還遲速
瞻望前修暗自驚

竹坡侍郎有詩寄問焦山長老因次其韻二首

蘇東坡詩集卷四
九
一朝江雨起微波
天女拈花解笑多
猶憶敲門立秋月
欲緣詩案訪東坡

雨打風吹臺館空
紛紛勞燕已西東
平生未識彝齋面
一點青鐙此夜同

謝王二太守送米

侏儒欲死君弗治
清談可飽吾不飢
山樓曉覺叩門急
行人喘汗知爲誰
忍庵吾兄念羈獨
新收官俸聊分遺
尚嫌薄少意未盡
那用鄰僧乞送爲
我生天幸百不死
適吳一賦猶五噫
疏慵未寫魯公帖
視此溝壑如居時
艱難一粒亦民力
無功作食翻自嗤
丈夫會須飽天下
豈以瑣屑矜其私
江南百姓待澤久
請從隗始鋪仁慈
雲帆方丈出示宗
室侍郎遺帶時
侍郎新逝感悼

書此

蘇公留帶偶然耳後者文襄

自注楊公一清

今竹坡事過百年

人始貴我無一物意還多較量興趣難慳句想象神儀各有科心斷蘭叢霜一霎閒堂獨坐夜如何

書堂晚霽

雨長青莎一寸深已違親故莫追尋挑鐙待續他年夢聞笛仍牽昨夜心花到暮春魂若縷燕逢歸客恨盈襟芳塵凝席瓊枝怨經月湘絃不上琴

燕子三首

燕子知何世楊花不定蹤春隨人意遠酒欠道書濃得失雞蟲態沈深騏驥容未妨輸智叟且欲訪愚公

浮萍閱南北采樹過溪山俠女紅鐙宴仙童碧玉顏升

金華集遺言卷四
天藥應貴斫地劍長閒中散談清遠伊誰夜款關
詩贈三能哭情捐七不堪潭龍初拜佛若鹿已生男轉
處黃爲綠出時青勝藍無人發清弄隨地有潛菴

燕

春雨已如此營巢猶自前人天通窈窕物我共安便性
慧能知候機忘漸入禪涼秋歸日準送汝忽年年

雜書四首

江月照人冷江風引夢長笙簫紛處處羅綺列行行獻
果猿脩禮銜花燕覓糧不知近宮闕渾未整衣裳
白日甯無見青萍不欲韜入觀披管子九死讀離騷牧
馬誰除害歌魚爲惜勞艱難念疇曩悲憤出蓬蒿
災異聞三輔神思極八荒欲言無我職何計莫民傷夜

坐看星屢秋心聽雨長由來憂樂意草埜許懷藏
仍歲無閒隙清時要遠謀佩蘭來獬犬弄月有潛虯縹
緲仙人影淒清海客謳江潭不自惜去去一扁舟

夢至蓮花臺下醒後有述三首

明月轉細路寒泉響幽澗松風若飄雨石倚儼行棧遙
見墓門樹祇肅不敢慢流離又幾日羈孤自童丱老翁
告余語浮生有葭藟

同學十數子愛我敬我親似知遠游者蔬韭不得陳聯
裾涉山亭薦酒及佳辰風義動行路鬱鬱能降神懷清
更延望永念徒酸辛

浮萍託山廬叢木似故里燒香上墳臺既悲亦復喜解
后雙溪僧頗訝形狀詭攬衣不及言晨鐘攬人起驚夢

增離傷有生不如死

壬辰二月送文三北上

百鍊難為繞指柔
危詞感耳我難瘦
十年別是尋常事
一夜春生斷續愁
風亂已聞狂似虎
官閒正合拙如鳩
安能遽贈青松色
惆悵空山不可留

三十五歲初度

使年七十今中半

自注山谷句

何況大年古所稀
松下淵明

惟有醉山頭
杜甫豈須肥犬羊
多事艱長策

自注麻城教案

雁哀鳴失故依

自注京畿大水

便不關情也
惆悵眼前蔬酒恐

人譏

八月三日壽孝達督部

宦迹依稀似廣平
心無一競老書生
青松雪後神姿定

白鶴雲中顧視清元晦啟蒙猶學易

自注朱子年譜五十七歲易學啟蒙

成公時正編易樂天戀國豈求榮

自注公好白詩樂天有和我年三首皆五十七歲作也

籌邊事往宸題重坐我南樓月正明

孝達尚書招同陳

三立陳

維垣楊

銳

江逢辰

集八

旗館露臺展重陽作

九月十九日

萬家煙火入登臨想見陶公作鎮心江國水寒花寂寂
湖隄秋綠柳深深浮雲不散天如墨夢雨初成酒滿襟
留得他年好相憶一時龍虎動高吟

讀韋浣花集和雲閣

折

書懷長念太平基非病非眠意莫知亂世竟同韓偓憤
滄江何止杜陵悲歸山學劍真無用避地尋芳尚有詩
休向花林坊外過芷蘭幽恨損多時

復齋遺言卷四
三
荅雲閣

經年幽夢託青岑一曲瑤琴攬素音道上聞鶉天豈醉
水中見蟹我何心橫江打漿風波熟暮雨看花歲月深
欲折一枝感華髮蕭疏渾覺不勝簪

和雲閣渡海詩

隱隱神山蒼翠圍壯遊莫道不如歸輕疏劍術元無授
珍秘丹經肯再違昂首浮雲何處定傷心明月舊時非
惟聞虎嘯兼龍噴一作惟聞龍怒兼龍憤冷盡船頭薜荔衣

讀雲閣書懷詩用原韻報贈

丹陛傳呼雨露香雲呈五色紀安陽祥麟自合歸靈囿
玉燕由來愛畫梁信國文章存讜直梅州忠烈有輝光
垂衣天子知名姓如此恩言不可忘

上海酒樓追悼先舅同雲閣賦再用前韻

西風竟敗蕙蘭香此地當年作渭陽晚見鄭君訪書素
早知莊子託濠梁高樓薄酒渾疑夢殘柳疏星尚有光
自注別時光景如此悟到死生同聚散不應相對更難忘

別雲閣回山居三用前韻

點點東華塵土香今看一鳳噓朝陽閒雲與我歸林表
落月無人滿屋梁四海盛名非美事百年雅化儻重光
艱難前路多溝壑華子經時已病忘

山居寄雲閣四用前韻

靜處閒薰知見香燕方辭壘雁隨陽偶經斷澗觀流水
誰遣枯松作卧梁采采山中黃蘗苦微微天上白榆光
此情待說成惆悵一夢瑤池歲月忘

館藏書目
四
三
秋夜憶雲閣京師二首

蕙葉凋殘秋雨心
夜寒燒燭伴微吟
臨風更欲舒長嘯
未識蓬萊幾許深

鵬鶚凌秋特健哉
人間懽樂有悲哀
廬山絕頂茅庵在
但讓閒雲鎖石臺

癸巳六月重返海西庵口占一首

短狗迎門羣燕舞
病僧倒履接歸人
草親石氣過春壯
荷泛瓶香得水新
閒趣漸添禪定後
羈懷難斷雨鳴晨
瓜牛未敢窺天下
樵汲長爲本分民

松寥閣

樹石依然未染塵
十年不到事如新
風流未盡春還在
想見洪孫一輩人

四月朔日哭龍駒四首

當曉吹陰風失我兩歲兒

自注壬辰十月二十七日生

沈綿歷三月

謹慎求百醫天命有所限國工亦安施非兒自夭折乃我足瑕疵性剛與物忤行孤乖天怡惟當痛修省不用垂涕洟

涕洟不敢垂中心暗摧傷萬事不挂眼無子則皇皇昨日灌湯藥今日見空牀兒啼我不聞我哭兒已亡莫生他人家恐惹人斷腸白日澹無色泣然在他鄉

他鄉忽五載別墓豈為孝事親先負疚喪子奚用弔所

悲數代人長男必英妙襁褓雖難憑骨髮先已肖

自注兒生

時骨壯而鬢長第七叔母喜謂鼎芬曰他日此子當如汝耳真可悲也

心地頗光明見鐙

自然笑坡翁稱曠達一遯尚纏繞况余天使獨披衣但

號叫

號叫天不聞誰謂天有耳靈龜不欲騎收悲卧還起明知一泡幻我身難足恃多病閔汝母歡喜得汝姊姊尚呼弟名母聽悲欲死浮生真足歎薄德安所企寄語未來人莫為東野子

丙申仲夏龍二表弟

鳳鏤

北上作此送之

陰肅如秋五月涼飄然書劍別江鄉征人知有傷心處

不見南朝李侍郎

自注伯鸞屢游京師最為李仲約所稱

靜院雙桐記此回浮生何地共銜杯幼安本是多情者莫向洛陽門外來

南皮尚書六十生日四首

交廣籌邊紀特褒十年屢見動旌旄綢繆軍國同心少

保衛江河一掌勞
白髮滿肩猶未老
青松有節故能高
稱觴本是尋常事
不費精神識所操

家學師傳天下雄
箴言南矗北清風
知名朔漠今迂叟
入夢西涼老放翁
天賦忠純宜得壽
事皆艱鉅必成功
獨居深念無人會
手把吳鉤感憤同

建康親見整王師
寢食從無安暇時
不復大讐長太息
所陳至計眾驚疑
天容豈有浮雲滓
臣志惟憑曠日知
縛得名王方一快
淮西留待愈題碑

如此光陰此壽言
匡時懷抱略能論
桂堂華月開琴席
葵院芳風引酒尊
寄想雲霄容我傲
發詞布帛使人溫
期公恢廣劉陶業
頌德歌功意別存

九月二十四日龍二表弟自安慶來問疾追念京

師沈楊諸子賦詩為別

梧院秋深葉未凋再尋山谷死灰寮編詩揀藥真吾弟

料理浮生有此宵

自注伯鸞新刻拙稿入叢書

京國才名讓一頭異時顧及盡風流文章不與興亡事

落日青山淚未收

李智儔渡江相訪

一徑蒼苔合朋尊綠酒新何來剝啄客訪此寂寥人老

柏能容世閒花亦自春淹留實長算俯仰未傷神

李智儔至

未解無

紹宋按詩中字句凡顯係傳鈔致譌無別本校正者概從闕疑

法偏藏欲著

經門陰留竹爽石

掩華冥仙尉知禽篆山樵作鶴形

惟留我詞侶紀事集江亭

追悼陳三 樹鏞

大石斜街小泊廬講堂問字共停車十年師友飄零盡

孤鳳朝陽一慰余

自注慶笙住居大石街去菊坡精舍百步先師陳先生課日余與雲閣每

詣慶笙家同往侍坐今龍蛇已厄慶笙亦復夭折可痛也雲閣時赴禮部試故有末語

鄭鄉絕學君能起東塾遺文昔共編日薄臨淵竟不待

箸書滿篋付誰傳

自注先師病亟時親以遺書付慶笙編定前年共輯成文集入卷刻未半

而君逝矣生平學精三禮嘗著飲食考一篇雲閣歎為精深尚有復古述聞學禮述聞文獻通考訂誤諸書未

成成者僅漢官荅問一種余刻入端溪叢書

讀慶笙遺書

吾友陳子人中龍隻手欲挽狂瀾東覺民任道實自許

自注陶子正挽聯云可與任道可與覺民抗志終期樹偉業無遇于今無傳于後傷心豈獨在斯人隱與

顧絳相追從千秋不待無一試萬人莫贖難再逢遺書

散匿誰得見此獨完好親緘封人生志意易淹沒語言
文字多不同躊躇欲棄那忍棄傳者僅是非子窮疏鐙
微雨坐太息但有唧唧階前蟲

歎逝

周家采風使絕域奉天章蕃語通余靖門才讓馬康小
時真了了末路惜堂堂朝野言如雨驚聞暗嘆傷

追悼宗室侍郎

寶廷

一首

江山寥落還悽惘鐙月清深互暗明碧落侍郎君可是
玉盤金桮已他生

海西庵病中作

伴余惟有影鐙滅影還無龜力支牀軟蟲聲到壁枯陽
剛終不折陰重至堪虞待見朝曦上還邀影與扶

寄題簡竹居讀書草堂五首

腹中萬卷可支餓世上點塵不到門至念陳樹康祖天

下士一嗟無命一分源

迎陽故作軒窗敞耐冷還依水石巖今日承平無箇事

乾龍不必問飛潛

高密通儒經傳熟濂溪老人風月溫諸子紛囂無用處

始知南海此堂尊

多種竹松扶士氣閒論禾稼識農功旁人莫訝先生隱

儒者勲名本不同

別來滄海還多夢老去茆菴尚未成絕羨武夷精舍好

談經何日罄微誠

曉過枯木堂渡江作

孤吟石岸不知遠僧飯清晨聞打鐘雲幕羣山欺日色
風搖老樹撼秋容行人看盡東西水我佛談分南北宗
便擬聽經隨衆會隔江先約采芙蓉

山行得二絕句

微軀天意早安排豈有彭殤攪我懷劇得茯苓無所用
山僧留與餉清齋

砌瓦栽松結小亭流泉終古響泠泠強標第六嫌無謂
優劣隨人各自聽

三弟告別武昌

作宦非余意拋書惜此身淒涼君別我辛苦爾爲人年
少不可躁官卑休說貧耦耕在何日分手各沾巾

薄醉

晚望風亭酒獨斟春榮秋落豈關心數聲啼鳥不妨磬
一榻白雲初罷琴病裏年華看鼎鼎人間竹柏已森森
老僧新死翻追憶自注庵主九月辭世留與浮雲閱古今

憶三弟武昌二首

佳處亭邊楊柳新登高不見濕衣巾
朝川再過青龍寺阿縉分飛已一春
銅劍沈霾不發聲想君江岸往來情
他時莫署東坡弟恐累人間識姓名

寄題高氏園林二首

一水湖南宅片紅苔上花相思盡風月雅詠並琴茶
留客看新竹浮春製小槎祇憐夕陽下猶有未歸鴉
十六年長別江湖我獨來到門驚老大臨水與徘徊履

迹棲苔徑詩題寄石臺南樓應更好何日共銜杯

荅范鐘二首

閒宴復今夕分飛又短亭徘徊心自省迢遞夢還醒
媒世蛾眉誤藏山鶴影冥嗟君抱行卷猶自散芳馨
滄海憂時淚天涯憶弟詩風鐙休便息塵玉本難支
枯木溝中笑幽花雨後姿諧熙有道義可不要予規

書感

佳人方獨往野鶴更高飛掩日山峯峻吹風海水肥
此身無去住所事見幾微咫尺青天近誰言命可違

山亭晚望

一作棧道寫望

江城如畫已斜陽草樹淒迷作晚涼猶有扁舟未歸去
夫君心事在菰蔣

山中逢先君忌日泣書二百六十字

別墓將週歲銜哀忽廿年羈孤甘遜世流落豈關天
性非人熱幽棲得地偏驚心入月朔撒手五更前
稷饋稽經典晨興拂几筵昭明神在鑒拜跪禮惟虔
有弟嗟萍梗何人浣竹邊更衣無健僕與祭到枯禪
饌徹卮醜酒灰飛紙散錢今朝悽愴極往事夢魂牽
我父文章傑清門品望先頻觀忠義傳不上孝廉船
投筆方從仕浮湘爲慕賢客程曾熱啜家難况沈綿
營衛情多拂膏肓勢已堅經空用針灸卜屢費筵
筭抑首聽遺訓傷心甚倒懸寢門竟悲隔溝壑分
生填痛定隨方省愁深獨夜煎親年真過隙予志
欲藏淵江濶懷鄉寺家貧欠墓田擁鏹空在道伐
石未題阡楸檟吟朱句

自注朱子十月朔旦懷先隴詩

二云僧廬寄楸櫞
饋奠失茲時

茗華警鄭箋餘哀湔屈賈大孝服淵騫

漠漠天難問沈沈火不然金城完詎易幾掩蓼莪篇

憶先隴

手植松枝不得長浮生兄弟更殊方何時縛箇茅庵住
來嗅山僧早飯香

寫興二首

秋至千崖肅山行一杖貪好花迎客醉壞葉待樵擔野
鶴棲雲厖游龍伏石潭行吟不辭月隨意過松龕
誰受三歸戒閒尋一指禪悉檀公願普迦葉佛光圓小
閣燒香坐虛堂聽水眠心中湖尊者獨有守山傳

得伯嚴書

千年浩不屬君乃沈痛之神思可到處纏縷通其詞窮

山何所樂予心忽然疑試君置我處魂夢當自知把書
闔且開情語生微漪出見東流水湯湯將待誰

寄懷香驄

仲車別我一秋一作年餘破帽欣然返故居畫紙老妻教
棋局扶牀小女學翻書自烹寒菜難逢客偶過前村不
待驢葦管瓦池貧亦好世閒何者可能如

春懷

燕去有來日花開是落時所思繞羣樹之子待蘆漪慊
慊懷歸可行行且住宜江風正生浪閒坐理琴絲

山中謠

碧桃灣冷少人陪夢與了元游一回莫道三千年始得

自注了元詩三
千年始得開花

我來歲歲見花開

三弟來省山居書二百三十字

早起聞叩門我弟自鄉至容顏今更好言語都有致滿
酌一杯酒細告別來事墓樹未減綠庭竹復加翠硯枯
老坡瘠衣典少游斂當行老母泣兒今往試吏汝兄去
一年孤身託山寺貧家我已慣幽棲莫亂意就令沒溝
壑凜凜一士志我夫善誘心得此當生驥酒間辭未絕
愴惻已酸鼻昔承季父教幼小不敢戲銅盤進美食慈
愛他人異門衰恨無祿先子痛失臂余年方十一弟年
僅有二哀哀孀獨居命弟以爲嗣明年我父歿我罪天
所棄骨肉同艱難道路更顛頓回首半世事纖屑皆可
記今來迷至訓彷彿家塾裏鸞龍不堪喻虎狗但增媿
惟當窮餓死正誼勿謀利昂昂永自保耿耿長不寐

同三弟營外望月

波粼粼月紛紛行近營門不見人
滄海橫流須有身沈冥願與猿鶴羣
子爲一官奉慈親寸陰尺璧伊可珍
江頭明日添酸辛武昌官柳好及見
秋色新力貧買酒飲幾巡儻聞黃州鼓
角響定憶今夜淒心神

九月十五夜同三弟重至望月處用前韻卻寄

秋葉落黃紛紛清宵冷坐惟一人
白雪皚皚大魚身紅樹啞啞烏鵲羣
風景悽慄余所親此時萬物非我珍
思君不見徒悲辛世事幾回改營壘
今漸新終夜叫呼寒柝巡獨笑此髯
不歸去欲同老卒語傷神

秋晚

飄飄風漸急皎皎月遙臨
銷落庭前樹分明獨夜心
茶

功因睡見酒失及醒尋大是蕭閒境無人且自斟

伍子胥吹簫擊鉢題

完卯何能救破巢行藏難定索瓊茅簫聲嗚咽英雄淚

吳市淒涼似打包

正月二十五日江行書

春波綠始柔素雪吹參差相攜有同心泛舟因所奇隨

風夜潛積道咸同光詩史作動輻屋朝漸垂壯觀江路濶心領目

已移萬物役於形既往方自知消搖一百里勞道咸同光詩史

逝者今在斯歡持一觴酒何必歎臨岐自注叔嶠季若赴鄂同行

答孫德祖

閉門頻索句贈我出新詩五十頭初白辛壬事可悲長

貧託微祿不隱戀明時禮樂羣英在膠庠早得師自注時為

長興
學官

戒菴自山東來省山居遂偕至武昌行若家夜坐

同賦二首

憂患分飛世路長
忻然今夜共壺觴
十年涕淚飄秋雨
九日茱萸惜異鄉
薄宦已教初志誤
幽居真覺此心常
草衣木食吾將老
莫問人間百鍊剛

苦憶雙溪寺晚炊
同君祭罷屢棲遲
掃除墳墓知何日
放浪江湖又一時
叢桂自馨山未污
亡簪不哭爾奚悲
浮生小劫如風雨
且坐逍遙快賦詩

送張四

塞

赴禮部試

觀音寺前別六載
不曾同虎氣何能秘
鴻毛況已豐名
浮妨學道心曠不言功
攬此將行意
林花過雨紅

紀拔貢

鉅維

贈先世厚齋先生花王閣牘稿一卷

漫題五絕句

已是斜陽欲落時不成一事鬢如絲
文章無用從飄泊
惆悵花王數首詩

休將晉惠比明熹聽講心開尚可為
不見當年孫閣部
令予論世獨傷悲

普德寺高配聖尊前潘後陸不堪論
此時此局真難得
楊左猶能一雪冤

青豆房中意想深酒醒撫劍更沈吟
誰知一滴芙蓉淚
已入才人異代心

河間風格比田間蜨戀餘香未忍閑
我亦觀星通帝坐
由來同調在深山

楊叔嶠紀香驄招同陳伯嚴張君立劉君符江孝

通集兩湖書院樓上望雨作

咫尺湖陰盡杳冥高樓不見遠山青
一聲白鳥明煙樹半角湖牆出畫屏
眼底故人相爾汝尊前斷葉幾伶俜
十年磨劍悲秋慣風雨淒淒帶酒聽

對雨同江生聯句

圖

微軀託江海

鼎芬

長嘯到山林翠麓凌霄迴

逢辰

青霞

映樹深題名愛浮玉

鼎芬

聚話憶分襟客路雙蓬鬢

逢

長僧廬百衲琴平生慕幽介

鼎芬

蹤跡已冥沈況此瀟

瀟雨

逢辰

吹成薄薄陰秋苔淒掩月

鼎芬

寒葉漸驚禽

雷碣探龍爪

逢辰

風濤警鶴心明時笑焦隱

鼎芬

佳處

續蘇吟石踞松寥峭

逢辰

霜零柏樹慘懷賢看疏烈

鼎

芬 考古說書淫閣冷徵詩事 逢辰 波餘擊楫音千年豪

傑盡 鼎芬 百戰歲華駸陳迹隨流水 逢辰 深憂及積霖

幾人上災異 鼎芬 有客念黎黔都說鴻嗷澤 逢辰 曾無

虎在岑釣天惟奏樂 鼎芬 大地遍輸金燕雀聯翩起 逢

辰 蟲沙次第侵今宵鐙罷剪 鼎芬 密坐酒頻斟夢遠西

湖隔 逢辰 才疏北海禁辜蘭表芳潔 鼎芬 種樹待蕭森

講席仍思昨 逢辰 先生道學瘖藏書煩汝守 鼎芬 問字

更誰箴無翼隨黃鵠 逢辰 關心到碧蟬相思試展卷 鼎

芬 將別怕聞砧竹榻虛樓夜 逢辰 荷花淺水潯談兵長

心力 鼎芬 學道僅蹠涔造極應千丈 逢辰 搜奇要百琛

娛親勤奉杖 鼎芬 避地盍抽簪行矣關河遠 逢辰 兼之

天日露臨分詞鄭重 鼎芬 何物意商參永好憐坡谷 逢

辰
成材薄沈任茫茫我無扶鼎芬煙寺倘重尋逢辰

送江生歸惠州

省母銜恩遠返家微軀不謂在天涯湖亭待月煎新茗
山寺尋秋玩晚花舊夢無痕翻繾綣一官隨分肯謹譁
人間醕駟原難遇滿眼風塵得子誇

送江生歸里七百字全用侵韵

南園憶春月開徑桐竹森危坐下廳簾焚香彈素琴當
子初遠遊見我披胸襟偕行魏與顏相處苔共岑詩虎
乃清穩酒龍最崎崇自注魏名龍常浙人初相識能飲
酒舞劍顏名貽澤余門人工詩
余情方遐征晤對良難任近刈園中蔬遠志江上鱸酒
舊汲水溫肉鮮取火燻歡言忘晝長密語遞夜深毋曰
世變大所貴經術湛篤敬化蠻貊至誠弭災祲去去各

自愛冥冥天所臨子行數旬淺獨寐百感侵冬逝久無
雪雲浮時復露玩花屈春尾拏舟過水潯柳外招新鶯
桑間聽早鶯得意隨所適行止不自斟平生表微尚此
境真良箴追想年少小偏露經衡柳依人手爪賤入世
面目黔清飯菜食甲寒風衣脫綬顯志必馮衍遂初恥
劉歆惟鋼不作鉤有身可伏椹艱難逝自拔富貴非我
欽幸未點門第乃許還山林鷗間江浩蕩鶴潔巖嶇嶽
山花亂無種庭竹初有姓齋居觀物變夜氣凝道衾符
未服六癸腹定無三壬君親不能報志意安可尋昂昂
七尺軀皎皎一寸心百年去鼎鼎雙淚交泔泔茲來轉
色喜谷空生足音自云守師訓寡效堅素忱未枉禰生
刺絕羨梁父吟呈材恨砮砮入貢鈞璆琳輒念鴻鵠遠

不覺驪駒駸今 皇總庶政白日開沈陰聖恩歲再赦
善人乃得瘖資序泯超越僉佞多湮沈此彈貢禹冠彼
分鮑叔金昇平成簫管宴樂羅纓簪金錢積百萬園囿
咸治綈遂令四夷服理國豐苓蓼大官畏炎熱待雨天
不澆忽驚萬瓦響何止十日霖華堂喜勿壞茅屋嗟久
淋畫案走泥蚓書衣生溼蟬牀牀少乾處惴惴直至今
何幸青瞳雙豁此碧玉岑聞香似蒼荀摘果非林檎夜
魂水月動曉色山樹慘況有萬卷書更覩千年驚一僧
來告余民志原難諶南方望甘澤北地愁苦淫去順來
者怨已喜人弗禁盍與我佛語出見遙山蓼日中麋鹿
游花間胡蝶擒嘗聞東坡翁賦詩夢巴瀦頗訝師若弟
終朝啼不啞茲言發深省我意殊滯淫棲遲託酒狷感

激摩劍鐔故山叢桂香歸飛不及禽變現慎種種德性
存惓惓明看汝挂帆坐到天橫參尚持遊子衣云是慈
母緝旋磨車中塵飄落裾上紵修名儻不副闕失亮莫
鍼江月慘離顏晨雞攪清砧毋徒發西笑長願珍南琛
樓頭完月今就缺昨夜江行朝泊船歸去書囊誰與檢
別來畫閣我無眠西湖舊種應成果他日重逢莫問年
尚有山禽說離恨四更風露在遙天

十六夜望月憶江生

書

鄭刑部相衍若有福祿余非其比喜謝此詩

先公眉疏鼻隆直一生和介見顏色獨有辰君肖一二
嗟我與仲皆不得鄭君相形兼論心太清神鑒功最深
謂我峭隘不可福知我蹭蹬緣自尋阿同靜厚誰得過

官高於軾真堪賀所嗤槁木死灰人世道寬平也寒餓
本性由來賦自天次山惡曲又惡圓龍章鳳質間世出
獅坐虎踞非人憐吾家有弟萬事了同體自然共溫飽
笑持此語難唐生余亦優游以終老

丁酉十月與鷗客別二首

心共林巒日日深佳人窈窕託幽琴不知何處茆庵好
許我從容抱膝吟
猿鶴笑人長不歸枇杷花較往年肥讀書有得同招隱
子備蓉裳我芟衣

沈乙庵屬題葡萄畫冊三首

舊館葡萄綴子時慈親扶病課毛詩此花當眼淒涼甚
白髮無成不學兒

自注鼎芬年六七歲時先母日在病中課毛詩數十字階前植葡萄花果

繁密今已萎
矣追思泣然

焦巖古柏翠雙雙
歡喜藏山怕渡江
一事一生忘不得

枇杷花下讀書窗

枯禪妙筆近來無
作畫工夫似作書
月露精神風態度

不知李紀定何如

自注今年上已在乃園開畫社修禊
招集文流各攜所藏評真角勝以義

州李葆恂獻縣紀鉅維為導師夜闌
乃散昨遇苻蕞庭恨乙庵不與也

節庵先生遺詩卷四

浙江

本由來想自天文山
又願園華章鳳寶開
世前直平出表

節庵先生遺詩卷五

番禺 梁鼎芬

龍王廟問朱一新疾二首

古槐一兩樹，鍵戶卧經時。秋蜨多垂翅，寒蟲不吐絲。
藥乾僧代揀，衣少僕能知。勿以幽憂極，遭逢有國醫。
自注陳提

刑文居山下
日過診視

圖

陽窮斯悔吝，身遠更冥沈。山氣銛人骨，簾衣約袁刻于湖題襟
集作樹陰芳蘭託，空谷落日散疏林。相悅寂寥境，聞鐘

何處音

浙

病中夢鼎甫

時危身莫定，君歿我猶存。積雪撐孤樹，悲風颯九原。先
幾何不幸來，哲愧相尊同。此悽心處沈疴，更閉門。

種花詩三首

并序

今年十一月三弟催漕黃州歸購牡丹數十本
蒔於庭下余復補梅杏八株花開人間可以忘
世或譏余曰春花易零奚不松栝之嗜余未及
荅種花某者足盤跚而前曰花佳哉人生如過
客草木非我有吾為一時之觀不必百年之壽
醉斯歌斯何暫何久千秋萬歲誰傳此叟余感
其言作為是詩

懷哉棲鳳宅三花親種之

白注芍藥海棠丁香皆客京師時所種

十年過

幾念步春到江湄平生何所慕堂堂蘇我眉黃州地貧
曠牡丹出新詩當春暮還歛冒雨重不畝吾叔故好事
犯雪祈其姿水陸竹間有歸船豐一篩此花自深靜名

浣世上兒貧賤思富貴富貴方可危把醜三太息其諸
銘我辭

畸士宋王冕栖神九里山寅緣梅千株料理茅三間花
豈有今古人自分忙閒侵晨抱甕出搨搨力已殫笑余
攬何事對花但羞顏有山不得隱有家不得還雙溪一
樹月清氣飄人寰自注白雲山雙溪寺梅花彷彿如昨
日風雪吾未孱

杏花美連娟纔開賞不及佳人跨紅鳳絕世而獨立華
采自然貴秀色不可拾裕之致殷勤芳馨滿其集廬山
有一董種樹過百十杏穀換以器志在振貧急神仙如
可學此意吾已給夢游卧龍庵藏知共春泣自注余欲購廬山卧

龍庵為草堂王蘇州贈贊七十
千今王歿兩月矣思之凄然

蘇州官舍東園二絕句

水石荒涼不見人，昏鴉踏葉墮階頻。
閒身尚謂尋幽至，猛覺衣襟涕淚新。

安花去草日來窺，野鬼妖狐不便之。
獨念西堂將別語，

僅成今段一茶時。

自注園草長無人迹爲鬼狐所宅鎮江別時笑謂余曰君性不畏他日掃

除以待今至綠雲深處已設榻且粉牆矣歿前三日猶來此道余也

武昌城春望同三弟作

客裏愛春城，陂塘一綠生。
風田兼燕退，花落共魚行。
有月攜朋酒，無田念耦耕。
卷施已心斷，不攪暮鴉聲。

乃園梅花陳提刑招酒賞賦

春寒困花酒，病虐

自注伯嚴公子病新愈

陽氣發，亂花始作坡陀

高下交，白紅有如爭競，不能縛微，因地勢別先後同受

春風有強弱哲人觀物理自省肯以參差閒寬廓眼中
何知桃與李尊酒招邀且歡謔孤豔寒香各有意美人
志士吾敢薄去年苦恨開不早早開今日已零落暖谷
能留晚更長獨步自全今亦昨高觀更與上山亭翠禽
小小飛還卻

陳提刑餞飲晴川閣賦別

江天霏雨溟濛間元龍置酒今政閒巍峩高閣自何日
江漢兩水爲之環此地由來天險擅俊賢若貴金湯賤
戰士沈波又幾時回首光陰迅如電六年不見心若何
莫將歡醉擬悲歌蛟鼉水底潛藏久鴉鵲陰中出沒多
雨晴向晚風難定人說次公猶未醒臨分攬袂更霑襟
危詞苦語公其聽

自餘先生遺諸君

得京師故人書三首

麻衣當別苦四載忽經過家難憑何解時勿惜汝多禍
來甚微細心定聽蹉跎應識君恩重消搖郤子窩

政蔭

棲鳳懷前宅尋芳過小園危時看上疏暇日勸開尊官

笑蜘蛛隱齋悲蝟蟬存自注周七往往園中尺書千萬

意豈復寫煩冤自注宗室祭酒盛昱

坐挹鑪香靜聲卑瓦缶喧摩空孤隼舉使氣萬牛吞謠

詠成何意幽潛欲與論風塵久藏劍看月一開門自注文編

修廷式

贈自然庵上人

飄然竹外與花邊六十清僧似散仙我昔寄詩論長老

浙

山頭雙鶴望年年

繆五荃孫招飲涵秋閣

主人丹墨日無閒偶集文流醉此間
滿几黃花來勸酒半林紅葉坐看山
傳聞史館誇鴻製解后書函識豹斑
一字未安吾敢和平生意見想全刪

許先生景澄王詠霓繆荃孫同登多景樓

昔年一到此壞檻已爲薪漠漠雲中樹
厭厭泉下人幽懷塵作字凍面酒成春
不用談興廢閒游孰可頻

哭鄧鴻臚承修五首

秋新葉已故搥然委階黃隻禽悲我前
不知是何祥啟扉接凶問反復旋目眵
已矣吾伯訥一瞑萬世忘不效君與民
竟舍兒共娘世無此丈夫使予肝膽傷

雲霞念京邑數日輒一請詩貪和仲閒文則同叔勁瓶
醜昏更深几燭曉猶正商量入世事貞肅出天性權戚
皆縮氣苟邪私保命盡言識臣賢納諫欽主聖試觀已
往事誰曰天不聽袞袞不如草階前指其佞

孤特標一槩不諧者徐孫

自注君自到總理衙門鬚髮漸白一日過棲鳳宅日吾時

與徐小雲爭事不勝憤惋將柰何余曰君不能和一徐侍郎更何能制夷狄邪又與孫尚書毓汶不合至是決

計乞病歸公廷有夔龍敷奏將何言涕辭文石陞身老梅花

村俄充割地使遂出南關門衝林截猛虎嘯木矜故猿

無懼神乃靜有恥命益尊能使狡暴折不恤瘴厲屯辛

苦稱深宮

自注畫界覆命日行辛苦君屢為鼎芬言之乞病賞假蓋異數

皇太后后慰勉之曰汝此

也然君卒不安碩果迄不存孰謂山木壽五載焚其根

傷哉海南叟

自注謂潘孺初丈

頭白翻哭君

昔吾講豐湖書史畧以潤樹木句天功教士扶世運還

鄉一笑握誇我今已僅崇雅院繼設尚志堂與近自注君在

鄉設崇雅書院延余門人楊生壽昌校閱文字又在湖上開尚志堂終風獵芳林區區亦

幾燼離尊瀉深哀一語獨弗信青蠅正羣飛無憚不必

忿賤士戴如天後世視猶糞何以裂兕手一發不再振

莫論冥冥理雨灑愁一陣

江水不可涸我淚不可乾回思細席言婉變保歲寒懷

歸苦不成再見已為棺莫過孟博祠壽考古所難莫飲

清醒泉來視吾已單自注泉在湖上商築亭未成君先題聯云休論坡老升沈事來試人

間清醒泉虛吟朱鳥影空拾丹鳳翰卹勞典不逮沈抑其誰

干俯瞰九原底仰矚浮雲端潛然獨夜人憤慨於茲山

提刑署園春梅未花伯嚴以詩催之因作是解

乃園百梅歲歲花去臘雪厚堆損芽公子巡簷日幾匝
一笑不到春風榻佳人閱世心自瘥收視反聽謂如何
明知此事已成例眼前難必奚論他我攜酒餞莫山腹
願以一言媚幽獨幾許芳華委路塵深藏窈窕甯非福
漠漠空林鷲螻無春心太古不能摹天涯亦有東坡老
腸斷當年玉蕊圖寒暖無憑晴又暝冶顏難強英魂醒
酒喧詩競付人間不如寂寞空山定

庚子八月送汪鷗客往上海五首

懷抱溪山不自娛十年畫稿落江湖須知振綺風流在

避世幽人絕代姝

自注其配黃夫人賢孝工畫

江頭壯哉祖士雅淮左勇者史憲之萬物皆然吾不動
青天白日共心期

傳聞車駕出圍城兒戲真同灞上營誰辦麻鞵赴行在
眼前難有杜文貞

垂老江湖白髮多呼天血淚滴成窠枕中似讀興元詔
夢醒更殘可柰何

平生自有椒山膽萬口爭傳侂冑頭梧竹蕭蕭蟲唧唧
不知人世幾回秋

醉後書二絕句

小雨江頭忽轉晴書生閒放趁昇平連山日落聞胡吹
却是周家細柳營

鎧火千星遠岸堆市聲舟語似殷雷回思四十年前事
惟有枯僧下淚來

自注一老僧說未通商以前鎮江帆檣如織鎧火不絕山樓四更時猶望

見之今無復此景耳

江船遇長沙曹刑部廣楨贈詩一首

昨舍故人歸山庵路逢曹子披塵函欲澆江水瀉智慧

一雨飄落舟中嵐手持賢兄好文字自注兄廣權有文學辨章學

術窮其探湔除回穴啟真秘使我有舌不敢參論仁特

采東塾說薪火何止傳湘潭自注湘潭胡學長伯薊爲先師高第弟子今嗣元儀

兄弟經術知名實東塾再傳也菊坡精舍別來久夢中楊柳空鬢髮大

師不再下無學妖狐晝出言二三後生少年嗜鬼怪經

義新說青於藍本心已昧非可懼亂流既甚誰能戡我

惟造聖祇一軌不到真處皆空談李固可冤季長調彌

遠不罪西山貪時危致君竟無術便有書論徒面慙千

年耿耿挂心目自恨霜灤旋羸驂江山大好正堪隱誰

與百戰湘人男時平豪傑不足數勗哉吾子視所擔

陳提刑文餽菊花賦謝二首

淵明世所棄不棄獨此花煌煌治牆英霜露為生涯少
年見踴躍今壯翻咨嗟故園應未荒他鄉聊以誇階前
具邱壑木石交喂啞一花表一色白月不能遮東籬自
然好鳳凰猶在笈公其儷貞素吾猶懼疵痕

海南潘夫子存長松特礪砢朱君似竹柏一新節行久

不惰偉哉龍豹姿舉念皆有我識公記先後論事罕一

左樹無千年好剛直終賈禍死生竟相違離散更難妥

自注潘甫歿朱客授廣州昨談及死生聚散之故相惘然也此日真可惜此花長不

果不果亦何傷悲秋且閒坐

飛鸞一首

細拍闌干見夕陽飛鸞不及駐春芳蘭哀豈是交焚早

荃怨誰知獨感長
貝闕神仙原惆恍
中庭風露盡淒涼
花前絮後無人在
檢點青苔月色荒

沈二孝廉

寶樞

來訪因送之揚州

虞翻祠下惜分襟
花放春山獨遠尋
一第艱難親不待

廿年嘯笑我先瘖
崩崖弔古亡碑刻

自注山志有張公世傑題名同訪不

見破寺論兵冷劍鐔
明日鞭絲歌吹路
蕭條寒水莫驚

心

贈侯官沈瑜慶

一作龍圖行

沈郎都市初相識
不待文章發英直
虎豹斑斑風矩存
有才獨俊無渝則
乃翁知國出威名
旌旗不動羌胡驚
異時霜鬢四海見
獨瘞幽恨誰能明
生時未接春風坐
神儀想象君其頗
江南百姓最知恩
今見行驄淚猶墮

自注愛蒼時以道員分江蘇侯補

直須清節表時流莫令人世說蘭猶

君不見龍圖文武心鐵石萬口爭傳范慶州

范石湖文昌六星硯舊爲翁覃溪物今歸君立水

仙樓屬余作歌

昔聞坡老涵星硯道人沈泉石不見蘇齋欲箋無可尋
閒懷乃到新安掾石湖居士詩中賢手割雲玉工于鐫
背凹微橢潤且堅六柱如琴恨少絃茵釘高短倒不鮮
雞虬絕迹龍蜿蜒文章千首嗟不全汝壽乃有五百年
得非墮地星化焉杓攜魁枕相比駢中有司命爲之權
三能請考天官篇佳哉公子才都雅嗜此成癖今蓋寡
質潔勿污剛勿捨用不倦兮鏗不舍文字之祥出揮灑
不須更道銅雀瓦

左文襄公祠下作

嫋嫋清涼山下有故侯祠入門先哽咽升堂想威儀昔

來披襟言自注公書文章或論到深奧意氣相與披胸襟十四字為聯贈別今來灑涕

悲何止禮數異所貴心相知漂搖十二載書生無一奇

豈有天下才乃共癯僧飢山頭鼓角響如見雲中旗蒼

茫不忍去一作別磊落以陳詞

菱湖春晚

芳草萋萋柳萬絲東風有約酒醒遲重來未必桃花在

流水斜陽立片時

題余子容畫菖蒲菊花

菖蒲與白菊清氣盡人間物性百年在天倪一笑間相

從藉芳草得意似深山不必求苓朮娛心自駐顏

黃州二首

積雪晴更皓春曉過黃州野梅香不滿隴麥青已抽蘇
公神仙人題詩上山樓天地著一我浩蕩輕百憂當時
聊且適後世不可求運命亦須順欣慨余何稠

楊生追昔游偕客衝雨至

白注去秋八月伯嚴叔嶠靜山穰卿社耆來游楊惺吾鄰

蘇園余以病未至

言訪臨臯亭遂啟鄰蘇笥沙柳去時枯今見

條已膩日月如白駒人生貴適意獨懷雪堂上英光久
埋地刷涕望西山撫衷有深志

鶴樓吟

飛甍壓城今已灰羣英礪落往不回千懷萬想不可滅
西風更欲添人哀相攜美日聊一覽東西形勢誠佳哉
上連秦蜀鈐鍵屋下通吳越舟楫來如何險要有成敗

江山無力須人才微紅樹色霜皚皚高臺銀燭搖蒼苔

男兒無用尚堪醉丈夫未死誰敢猜座間有客能知古

自注謂楊惺老海外收書數年苦雙井詩函共寶黃自注惺老藏有朱槩

山谷集以假陳提刑文重鐫為涪翁祠堂本吾輩兩賢之草堂箋本虛尊杜自注惺老所校

刊古逸叢書精審冠海內一書隱見亦關時此樓興廢

難為主坐笑岑牟擊鼓人不識天心泣鸚鵡自注彌墓在對岸

上巳集曾公祠修禊賦詩孝達督部餉以酒食賦

謝兼示同游

晉家右軍龍鳳姿蘭亭高會千春奇諫浩北伐先一載

後人不識誇文詞風流亦許吾輩繼脫落世事從兒嬉

年年令節縱常有快一喪十嗟恨遲雜花妝林此堪賞

風景澹沲心魄移城南聯句鬪韓孟酣戰漸覺諸軍疲

歐公好士出天性材官饋食如犒師豬肥已慰樂歲祝
酒美定有清泉醪歌吟醉飽皆滿願獨念往績中爲噫
犬戎蠶食敢窺伺南交將士哀者誰文饒籌邊奮英略
特發忠義生飢羸兩年兵糧走千里刀光皚皚剽豺豕
當年益陽樹偉烈師法所在慷慨追自注督部從官貴州嘗請業胡文忠
公大軍飽騰功一例湘鄉得濟茲崇祠古今賢哲幾俯
仰各有所爲不逮私丈夫一飯亦感德但慎與受令人
思尊前鬚髮吾未老江山佳日聊題詩

伯嚴招集曾祠賦詩

武昌三月花漸疏以詩爲妣酒爲姝九流之學鳩一區
張夏游門非賤儒一舟泛泛獨有吾玩茲暇日天所俞
主賓亭館惜不圖風物過眼他年無

癸卯六月海康梁生成久來訪武昌食魚齋當行

賦贈

江海飄搖肯獨來
聞聲一握興佳哉
講堂別久鱸無恙
山屋藏深鶴有胎
微意未湮還出世
故書長抱不祈媒
致君堯舜知何日
便擬相攜入草萊

荅譚復老

昨事忽成故遲君
雲外舟江山遞魂
夢花絮更飄浮人
遠猶題句春殘不
佗愁同心善芳蔭
未敢訴靈修

借問

借問此何日
千山秋氣森
巨魚潛大壑
寒鵲響高林
銷落前庭樹
分明獨夜心
更無僧過話
長自一盞深
穰卿以窗前梅開一花爲題
玉賓有詩余亦繼作

春庭數梅破一花儕輩歎詫童僕嗟或云雪力壓跼萼
有曰天命慳根芽竊將心光覩造化若抱微旨不使加
萬物所生一惟始首握樞柄奚紛譁胚胎乍兆元氣滿
肯令鶯燕喧人家豈無朽卉腐弗植柳州所靳吾敢奢
嫣然獨立誰可褻惟有冷月分芳華吹香微靜不啁雀
託身高隱無驚鴉佳人絕代一面貴文章傳世片語誇
千花萬花但堪折何似簡寂不任拏愛君志靜觀乃定

自注玉真有定志
靜觀稍可囑之句眾生擾擾真魚蝦

雨損梅花且盡矣伯嚴書來極惆悵之意賦此慰
之

年年榮悴花所同豈有咎責雨與風可憐塵土鋪萬事
若爲牽絰知何從此梅鐵石亦挫損乘化歸盡隨天衷

至人生死尚可一微物乃可干虛空嗟君讀書廢半世
此心未定千念蒙開遲落早皆有恨眷戀芳序情為鍾
我思心香共意葉生滅一理彈指通高深陵谷豈人力
強弱柱束非天窮梅兮寂寞與終古不扇芬烈何能攻
造化多端未有極世間難見百歲翁惟憑智慧破煩惱
盛衰一例忘春冬盡捐語言文字累翩然天外孤飛鴻
雞鳴不已思君子誓當把臂從乖聾

春日憶海西庵兼懷佛如

不敢憶家鄉故山先斷腸桃灣花照水柏院翠連房識
字僧初病銜泥燕已香頻年讀書地明月獨棲牀

癸卯秋同年鮮庵學士以三夷陵洞口山谷題名
寄贈文闡之暇漫成三絕末首自況又不如也

黃三學士為閒客黃九先生是謫仙八百年來纔識面

山花巖草尚嫣然

幾時筆墜蝦蟆碚

自注東坡作背蜀音佩

此處書成瘞鶴銘愁向

下牢關外路聲聲望帝不堪聽

武昌鹽史今無攷張社文流我所親無分拏舟省姑氏

雨窗嗚咽賦青神

自注涪翁既作武昌鹽史會江漲不能下峽乃拏舟至青神省見張氏姑

社字介卿姑之子也伯鸞表弟吾龍氏姑妹子也姑妹於鼎芬有教誨飲食之恩今夏不救伯鸞遠來商葬事

麻衣相見悲不自勝

躋綠亭

自注亭在湖北按察署園

萬綠裏一亭春暄心尚禁零芳結幽香小翠悅佳寢恍

與山林間未信官廨凜攀陟人自勞閒坐須盡飲

次棠去荊州十年矣陳提刑丈周兵備

懋琦

為余

稱善政多可書作此寄次棠兼呈孝達尚書陳

周二公

于公治第一漢吏今見之當官兩歲淺勒此萬口碑
觥提刑使用才寶所貽幾誇相馬識但覽頻伽姿兵備
究官學握符新在茲入稽簿案事出聽閭巷詞吏悚尊
神君民愛泣嬰兒築堤堯佐惠講學安定規各稱所聞
見未畢舌已疲吾友性剛潔結交在京師張公昔治粵
雲龍相追隨何知世事變四犬能制羆感涕辭聖主有
罪臣當褫荆人真直道十載口不移彼能肆萋菲不能
遏謳思敬告諸有位民近慎勿欺寸心抱忠赤黑白隨
人頤官職豈可常得失無盈虧以君詔來世公論非吾
私

贈漆生葆熙之高州

將別忽無語重逢終有期
蒼茫百年事寥落數行詩
大海瀾何濶浮雲意自怡
傳經豈違願應念舊書宦

兩湖書院杏花

楊生別我二旬倦春晴始識紅梅面
南州氣暖百荻蘇故使杏花好相見
一株初發已足賞隔牆未放猶堪羨
暗動微颺碧草塵漸乾宿雨青苔院
追思千里猶咫尺睽別十年仍繾綣
自注往客京師課寶瑛讀窗前杏花最佳過眼風花談笑
無脫身荆棘芳華見夢中亭館若為愁
雪後園林知不戰同游交賞且呼酒
明朝再過或零片何須更問歸雁
亭牽懷不獨廬陵彦

孝達前輩約同香驄觀署園梅花四首

雪釋春回過幾時官梅纔放兩三枝傾城獨立非容易
萬折千摧出世遲

牆西一樹最多花政暇尋芳意有加尚憶螺岡三萬本
山亭風定石梁斜

紅白交開各一林初春絕景晝陰陰片花亦有瑤宮思
情入人天感歎深

花前雙鶴往仍還詩客商量水石間自注香驄論詩最工我比此
梅更蕭寂逢春不發一心閒

同陳生衡恪觀乃園桃花

四忠祠前桃十數梅花遞過今見花枝柯薦綿交積粲
獨吸清露施明霞畦鋪黃菜風引蜨徑掩綠草泥跳蛙
初疑官舍那有此彷彿已入漁人家憑欄圍賞能幾日

綺錦年芳未應失一物剛柔亦有時此花吾可看成實

失題

紹宋按此篇於校勘中
已侵成不能改次矣

頭白來觀試院槐憐才無分意何哉久知治亂關文字
恐有英賢滯草萊良夜虛堂還不寐細風銀燭故相催
狀元忠孝明年見堦下焚香已幾回

枯樹吟和伯嚴

圖

中庭一樹一丈長岨強人世死不僵斬絕枝葉無文章
天地所愛體骨蒼也蔭日月平陰陽不羨為楫為棟梁
厥德在人狷與狂無傷于世世莫傷

余太守招集兩湖書院同香驄伯嚴穰卿作

春風二月華筵開酒人六七魚貫來柳堤新水荻芽短
杏花半在南湖隈明廊千步列芳草一綠映出疑瓊臺

吹噓生氣益胸腹我年過壯心尚孩湘人蜀客望不見

自注實甫在家將來叔嶠返蜀且以酒力鍾詩才就中饒君善相術注

饒名炳勳字仙槎甯鄉人曾佐左文襄公幕府與鄭錢往返詞嘲詼遍觀座客

次壽天君子知命安于懷王侯將相豈有定敢以鄙論

貽清裁古書廿四况淪佚雌聲碎步升三台昔從湘陰

相公久目光如電真雄哉當時不遇身手賤葛生自負

徒見排誰知勳伐卅年後羣瞻儀狀誇忠佳聞言思往

愴知已曾拜檠戟趨堂階鑒量人物比劉劬謂我神采

無等儕後山虛下司馬涕東坡每動歐陽哀邊塵不靖

又幾日羣公無策驅虎豺大樹飄零今已矣蟲沙滿眼

甯復措懷恩感事重歎息一身未暇論違乖杯殘相視

不忍去水亭欲雨鳴寒蛙

曾廣鈞招飲第宅

崇閔樸堅丞相府我來肅肅循其廡公孫愛客招文儒

自注同席湘潭王闓運羅正鈞義甯陳三立萍鄉文廷式

勳費萬辭若論舊學惜四部獨念交游五十年辜較前

塵猶可數奇哉雙壁歸江陰君家太傅吾家祖自注道光十八

年會試曾文正公與十四叔祖皆季文敏公所薦同入翰林

至深交肺腑亂之將萌若前知勸留此身事君父自注文正

挽曾叔祖半園林木先摧風自注曾叔祖一夢龍蛇繼

霾土自注叔祖連遭大喪百無一試公所悲湘人如龍

又如虎元戎思舊挽江船自注二叔渡江謁文正於節

父叔為官接湘渚自注二叔以通判分湖南候補衣冠

曾謁鄭公鄉杯酒屢逢謝家墅一年凶酷鬼亦愁再世

食履之志通言卷三
三
衰零神弗枯今來堂上覽書史定有先人所曾覩安知
孤子賦重遊敢擊癡兒忘不武喜君英多而媚嫵讀書
爛熟中經簿關西舊則其毋去收斂神光埃可吐我匣
雙龍懶不舞終日淒淒風且雨

失題三首

三客不知誰逃榮媚山腹草木發靈氣親炙若已熟初
安迂叟壺徐被屈子服文酒都有意茲社世所獨徘徊
夕陽多偃仰一邱足

同年今餘幾昔棲東華東驚世雙井

自注謂鮮庵

絕代

溪翁三人各有短亦有長相同而我不自檢最先返高
蓬復來頭陀寺游衍於其中分合時有之死生誰能窮
且誇金谿學此會不匆匆

篤紅西蠡印到眼此人無夢斷桃花塢書畫乃棄渠陶
齋遊海外今夜何處居苦憶騰巴碑淚寄蘇門廬聞君
曾三宿念此獨何如

題瞿鹽法

廷韶

快園圖

舅氏後先登玉堂

自注謂蘭軒五舅
害子十六舅也

兄取二士瞿與張

自注君與幼樵學士同中
庚午順天榜均五舅所薦

簣齋習儒未習戰一旦消搖

居洞房君家忠宣我所敬皦皦大節垂吾鄉小東皋宅

委荒梗遺書經亂復散亡賢孫香緝官舍暇遺烈往往

吹園芳園中何有有圖史亦有翠柏三兩行廡回楯接

最研穩鶯初雁晚都閒長爭墩君笑荆公拗題閣我步

涪翁狂紛紛畫史所不到酒酣弄筆驚何郎

維樸

高樓花

氣團尺地落霞江影明千艘平生浩蕩白鷗意不覺魂

夢飄湖湘外家松廬早太息況有玉樹埋雙雙士信知
已無不報成材要到樅枿強秦青已去曲不去歸語鄭
子談經窗

自注思齋十六舅所取
士今同作十桂堂客

贈別顧印伯

相逢未穩復西東草草杯盤酒面紅雨雪梅花正月尾
籬牆茶夢一星終良才肯信長無謂妙論依然屢不窮
此去金臺鶯燕節芳菲零亂句難工

叔葆視余鄂州屬題玉雁莊藏物漫書三絕

卷施芳茂皆千載斷紙零縑滿世間獨愛昔賢風誼重
尋常文字意相關

仍歲讀書雙柏堂常州二老夢徜徉僧寮每處存遺墨

那及江門玉雁莊

自注洪孫雨先生書焦山諸庵多有
藏者若芳茂為卷施作篆則未有也

此卷固應獨絕

桂樹閒庭結夕陰
乾嘉時會與沈吟
他年莫忘洪孫事
有此青天白日心

題漸西村人集

昌黎分甯一治治
百家諸子恣所為
六七輩中希此手

二千里外新相思
茶味每向從作靜時領
心聲莫使深

人知幾年車馬正
馳驟何處邱壑煩
文辭自注爽秋為總署章京王

大臣倚任甚至以海關道員薦保願集中多邱園之詞

戊戌四月三日聽雨同子威季立叔彥作三首

四月瀟瀟似晚秋
浮雲西北隱高樓
桃花已共逐一作東

風盡鶯燕蹉跎一作無聊祇自羞

一夜湖痕與淚深
畫簾一作堂春夢再追尋
薰爐已冷香

難滅地老天荒要此心

欲涉微波賦楚詞風吹叢竹有參差人間萬事無尋處

卻在

一作

闌干聽雨時

易順鼎屬題張夢晉梅花圖自言為夢晉後身伯

巖道希先有詩

東坡一頭陀山谷乃女子至人有去來世俗說生死吾
友沅水秀英采近少比何止夢晉才真共梅花美手攜
一軸冰雪圖開卷但有靈光鋪三因三緣語不誣春風
吹綠家姑蘇空山白雲月來摹璇宮謫此傾城姝是花
是人幾須臾不道今吾猶故吾生滅未寤中心痛病夫
閱世神在空造物于人慣嘲弄微塵世界嗤大衆蕉鹿
槐蟻萬千鬩題詩一笑君莫恫請君再試羅浮夢

夜抵鎮江

脫葉嘶風正二更
鐙船初泊潤州城
芳菲一往成彫節
言笑重來已隔生
寒鳥淒淒背江去
疏星歷歷向人明
此回不敢過衢市
怕聽茅簷涕淚聲

約厂畫松扇壽月汀將軍題詩於上

滄浪亭畔夏頭陀
寺前冬荷露沾衣
馥松醪泛醖濃想
公此標格與我共
心蹤礫礫一千丈
相思失所從

雪中荅汪康年一首

汪生靜如處女然
簪花細格恨不妍
忽看俊氣不可勒
長風飄蕩柳條邊
還將心光鏡瀛海
欲以所力窮地員
一時千里又萬里
兀坐卻在咫尺前
囊中日月倍閒整
門外燕雀自聯翩
不思當官圍萬釘
但願奉母安一廛

鳴呼汪生今之賢馬周劉蕡已蒼煙君心覲之無此緣
詩翁憔悴不關天朝朝買酒江上眠要與肝腎相雕鐫
游魚高鳥吾未媿黃獨青櫺意所便曉來雪花大如手
要君爛醉更一斗浮雲萬事復何有

荅楊模見贈之作

君初渡南海脩禮謁靈光自注謂東塾師高第推于式枚文廷

式結交為輩行摳衣甫一歲起起公不祥二子既分逝

君亦返所藏我時簡往還但親講席旁蠢蠢十年餘識

面在他鄉四十尚僂俛不遇能有常貺我琅玕篇字字

剗肝腸吾師體大雅所學造明光菊坡接學海自注東塾師為

學海堂學長數十年至老為菊坡精舍山長成就難具詳胡錫燕趙齊嬰啟

始秀踵起有廖廷相王國璩譚宗浚黎永椿饒軫二林

國賡各以一詣張馬貞榆沈葆和最樸潔教廣陶自注

禹山書與楊自注裕芬兩湖後來富俊彦畧記温仲和

院院長汪兆銓哀哉馮孝子峻光陳生樹鏞共悲傷薪

火已親執天年竟不長自注師歿前數日以遺書付陳

死才三十耳巍巍崇雅樓自注師辟夷亂居橫沙村取詩孔

肅肅傳鑑堂自注東塾集有傳鑑堂記以心知治亂故

處士不敢揚箸書正學術考古定樂章所懷在明備夢

寐游虞唐發揮七篇秘明白一世盲恒于侍坐時言語

聞慨慷惟中有束縛同舍罕一狂亭林有異同自注亭

世其言切師生乎世其言安日知錄言治術讀書記言

學術古之政教無彼此也博學于文行已有恥亭林舉

之于前師書之于後博約二田豈頡頏自注師嘗語門

交至融會貫通其心一也近程瑤田王白田兩家殆以程考訂博核王為紫陽吾

友記未盡空來泣雷塘自注慶筮欲仿雷塘庵弟子記

撰年譜鼎芬均助之未及當年松廬側十三歎孤自注

成嘗偕拜墓門同一哭也追隨自注

親至親水濠故居以初印本焚座前鼎芬隨祭

速東塾自注鼎芬年十得一每十忘承先詞鄭重自注

祖著有守鶴廬經說壬辰程侍郎典試粵東以通鄭學

拔取庚子會試為胡文忠公所薦師年較少恒來問難

情誼日篤遂與三伯祖六叔祖為姻于吾守節心慚惶

家至厚密責望鼎芬亦倍于他人可媿也

自注庚辰冬晦若歸述鼎芬試事後謁經席師曰汝得

庶常甚好吾粵數十科所未見也鼎芬自是守節之意

益祭田二十畝春秋以蒸嘗自注鼎芬既歸里與同門

祭田文孫如小同不止解凡將自注師長孫慶餘從游端

行温所媿一士賤不稱百鍊鋼君才甚英邁曾藝南豐

香流連天人策倘亦念畿疆還思无咎室自注師讀易

晦若居經年雲中鋪六尺牀偃仰不再見見亦非故房

閣嘗往來其間

世事如一棋小者先莫量黑白苟未判敗亂豈有央山
中頭陀盦寄林散閒芳涼月隔新醉隻雁忘故創江流
日如此舊學嗟茫茫

題李猷贖屍記後

巨奸掌朝政天子居深宮奉天一府吏遂能殺陳東或
云過激烈挾衆非至公我思少陽生豈忘屠子龍外怵
夷狄亂內憤蝨賊訂明哲吾不願一手嗟無功此身亦
何惜長嘯還太空李君弗懼誅甘入黨錮中苦心覓遺
骸得之郊野叢董班昔衛固脂習曾哀融前人雖已往
後死敢不從莫言世污濁貧交多始終孟門雖漸絕道
義爲之崇更覽詩與跋慨然發深衷

自注李綱題詩陳鼎跋後均極稱服

太息

雨泣紛紛聽挽歌此才當世更誰過能通蕃語推余靖
更有飛言到岳珂春雨失羣鶯燕澀海風有力犬羊多
生才似此天寧醉太息時匆幾涕沲

丁松生著書圖二首

八千卷樓今世無賞茶看畫幾須與十年魂夢如黃葉
對此淒涼不可呼

文史西湖北郭詩著書亂後付佳兒焦山靈隱雙書藏
猶記秋鐙遞信時

乙巳與乙庵別

君看一日又一日吾猶昔人非昔人詩味勝茶雙井瘦
世心成佛萬花春風鐙自轉情難換江鳥將離意更親
至念西堂燒燭夜微生銜木是何人

乙巳秋送乙庵北上一作車上別乙庵

滄海若已一作乾吾淚在西一作秋風不冷酒懷春一作新勞

勞車馬閑閑柳腸斷人間晚嫁人

伯雨舊官舍人才名播於日下又善書愛畫惜余

已罷歸不及聯轡嗣來武昌今雨軒中共數晨

夕每念舊游興感前輩盛書丁畫皆所藏也為

題四絕句

蝟蟬齋存墨已乾相思禁得淚汎瀾今生無日重聯句

玉楮銀鈎不忍看自注盛伯義書

茗茗松广晝陰陰松隱圖成歎世深猿鶴笑人長負汝

憑何得慰九原心自注丁叔衡畫

祭酒風流太守清沈曾植黃紹箕陳與同鐵嶽並時名

英雄老矣兒童大懶向人間說死生

墨妙從來貴在人愛他啟篋尚如新二王

自注文敏公懿榮書名最

盛蘇州太守仁堪工畫

書畫何時得更為雙忠一愴神

同林國賡楊裕芬伍銓萃游琴臺

五年不到碧苔深有客初攜玉雁琴

自注伍生新得一琴名玉雁

千

里風花團頃刻一湖煙樹夾晴陰古人不見誰無恨何

日重來話此心魚鳥蕭間臺館靚明朝分路各思尋

自注

敦甫授經武昌颺伯夙葆還里余返山居

梨花卷為盛吾庵題

江

三遊洞口千梨花約庵維我可以家餘生合依墓前樹

讀書夜啜雙溪茶開圖照眼花如雪冷月芳春好時節

夢斷人間棲鳳樓丁香兩樹蹉跎別

春窗讀書二首

景畧雄才最契予
山中當日讀何書
羣雄若定須公手
夜雨彈窗感慨餘

病起花枝帶淚看
無人共我凭闌干
滿身雨點兼花片
中有春愁不忍彈

失題

靈隱寺前君所醉
香鑪峯下我頻來
兩家此樹都堪賞
頗笑荆公負綠苔

失題

著書老屋有深憂
守獨甯爲世所尤
孝感儒風真再起
餘姚家學似重修
滔天巨浸紛紛去
滿地斜陽故故留
曾記晦翁論未濟
夜寒掩卷淚難收

花下一首

寥天逸侶得相將
花下靈辰紀上方
書掩丹黃知去取
山經前後相陰陽
竹胎未解禽微集
石隱無言鶴故翔
髣髴重門朱義朽
仙祠歲歲欲留藏

憶仁先

缺月依人覺離別
寒螿啼草更淒清
閉門正字知相憶
辛苦為詩寄未成

寶華庵藏宋甯宗楊后宮詞二首

紅葵風柳海棠心
德壽宮前紫鳳吟
絕艷奇花與新竹
何如洛水

囊金

讀書焦洞十年情
貽我新鈔章碩卿
今入寶山見真相
華庵堯圃好齊名

春

一枝初上綠昨夜已爲春苔徑琴停後風簾鳥語晨寂
寥長不覺沈醉即爲真欲下千秋涕情芬碾塵

六梅堂夜

官書日日費精神月色清寒不似一作不覺春身爲感恩還
未去梅花豈是解留人

光緒三十三年十二月乞病紀恩一首

多病光陰負罪身天恩今許作閒人堂堂千載蹉跎去
了了餘生涕淚新草木力微安得療江湖心遠更相親
衰年那有酬知日歸種山田算一民

謝印扇爲秉卿題

清奉曾修興國祠自注鼎芬爲鄂臬日捐俸重修文節祠堂市攤得印有君

知自注武昌市上得文節印海內奇寶也
曹娥女子公無愧愧我偷生到

此時

荅仁先問病

自家有病不關人蘇沈良方未一親累汝停杯幾悵望
臺卿員石恐傷神

泰山秦篆二十九字宋拓本匄齋尚書屬題

斯篆廿九字體峻態有餘華庵嗜古癖獲之勝瓊琚魯
南說在後厥罪懲焚屠彼不愛古籍我何愛彼與觥觥
發宏議讓之互欵欵昔聞議荀者弟子斯如疽毛公最
純白奚爲獨舉渠凡人賢不肖譬之龍與豬尺長寸有
短彼毀此有譽孔雀毒在尾文采何華舒不見元晦字
專學曹公書持以告華庵華庵猶踟躕敢問李夫子

自注

文石浩博精實奉之爲師妙論當起予

武昌客中送挹浮學使前輩北歸

身退心未退江深情更深欽鴉成已事精衛有微忱思
往蹇蘅草傷離盡桂樹所嗟昨宵雨幽獨冷予琴

題畫十一首

詩料馱驢背松香引鹿蹤臨危幾人共誰似一枝筇
於世厭梁肉隨山尋茯苓神仙學不至予佩有青萍
槿籬松約有誰來樹樹青紅是畫材處士門多丈人石
三間屋上百年苔

大風振林木扁舟何逍遙中有鹿皮翁隨身酒一瓢
陰陰夏木長山好翠如滴終朝不逢人唯有鹿行跡
此去老顛墳最近竹林歸路記曾登米家畫法流傳遍

寫骨摹神各自能

尚記嬉春吸井泉聽松溪館賸朝煙芳蘭萎折那堪說

莫問人間茉莉田

自注兼懷張十六舅

樹古無代山虛有人竹兮娟娟石兮嶙嶙

水暖浮雛鴨風柔舞短揚何時半塘外一樣築漁莊

岸上人太苦舟中人太閒世間事如此不如入深山

羅浮山雲萬重石如虎松如龍吾欲往從鹿翁劖茯苓

佩芙蓉

重游大明湖賦別

及見荷花尾所知松柏心鐵祠吾有夢楊并爾同吟節
物頻番換精誠直自深再逢必相傲先上鵲山岑

寄毅夫京師

遙知京國赤心臣，獨憶江湖白髮人。
孤樹當風芳不散，新詩照雪冷彌親。
淒淒北學堂前燭，莽莽橫流海上身。
把卷夜深還未寐，感時思友自傷神。

曹叔彥舍人自蘇州來武昌問病宿精衛庵賦贈

一首

五載離情哽咽言，眼中惟有鄭鄉尊。
寒花照酒如春好，小屋留書有夢存。
當代純儒經洽熟，平生風義語頻煩。
便應乞病從君學，不讓睢州奉一孫。

靜園夫子餐芝圖題詞

朱欄碧井石芝房，味比雞蘇百歲芳。
昨夜月明春夢醒，坡翁詩事在西堂。

題張拙若畫桃

服餌桃醪可得仙靜園山下種多年元都觀裏閒追念
日口車塵不值錢

再用鷗字韻荅小魯憶前同拜杜茶村先生墓事

紹宋按原韻詩未見

散原精舍與題秋敬愛鄉賢試一籌芳草文心娛寂寞
夕陽山色接憂愁饑來誰及于皇鳳間甚吾知魯直鷗
茲會三年動相憶寒枝揀盡在沙洲

三用鷗字韻奉懷伯嚴

籀園談處夏如秋風物高騫天與籌於事漸疏還說夢
所憂方大不言愁乾坤萬劫留孤雁江海千波見兩鷗
親割羸肩吾刃在當時錯道是龍洲

四用鷗字韻寄懷季瑩并懷草堂諸子

病霜盈鬢最驚秋才劣輸君更幾籌菊力於人無一日
柳風在世散千愁李崔詩筆曾題鶴皮陸交情互荅鷗
負盡草堂連夜月夢中笑友勝靈洲

子申畫荷菊雙扇贈我各荅一詩夜深無寐又得

二十八字

紹宋按前
詩未見

荷一作蓮枝崛強菊堅蒼我見此花真斷腸白髮西風詩

幾處紅鐙疎一作夜雨淚千行

戊申四月初宿玉泉寺同子申作

靈山不覺遠茲地似曾游萬綠松藏世千聲鳥在幽看
雲襟欲滿聽水杖還留攜有青蓮裔論詩茗一甌

子申同游玉泉山先歸口占送之

戊申四月
二十四日

居閒不如我日出下山去松風吹面寒回頭隔煙霧

玉泉山隱居絕句二十首之二

紹宋按餘十九首未見

愛看斜陽自出門蕭然兩友各無言一為澗底忘歸鹿

一是林中入定猿

松如高士竹佳人傲兀嬋娟意所親今日始知閒最樂
開窗輕拂玉琴塵

玉泉山居思兒女

阿贄年十二阿蘭長七年每憐好兒女不願學神仙忠
孝粗能識沈冥益自便雙溪墓前寺

一作寺前路

攜汝拜松

阡

五月十五夕看月思子申明朝書寄

山月照人靜栖禽時一聲嗟君才磊落吾友語分明
鮮庵屢稱想得停杯意兼之論畫情此時思我處不較

子申磊落

自注

鹿亭輕

書齋夜坐

一室居然小天地
卯胎濕化隨萌滋
疎鐙靜對無言語
夜雨瀟瀟讀易時

題實甫四魂集

伊川三魂君有四

自注趙鼎為尊魂王居正為強魂楊時為還魂時號伊川三魂飄零

詩卷與誰論
樓前化燕春
難定紙裏招鸞酒
尚温湘水才人憐
絕代清河幼女在
黃昏楊花與夢無
拘檢一處愁心一淚痕

再題四魂集寄實甫

南北東西底非夢

自注陳簡齋荅張迪功詩南北東西底非夢心間隨客有真游簡齋

為夢子為魂
天風飄蕩無栖處
海水驚飛失漲痕
淚別

黯然魂幾許香殘痛絕返誰門三生石上知能記天遣
佳人意有存

送石表兄

德芬入蜀一首

十日荷花雨三間歲寒堂人情翻覆手世味零落腸送
別嗟遠道負痾還故鄉他年放翁記相對話寥芳

澹逋出示荔圖屬挺芝畫扇率書一絕

曲江賦與老坡詩此物天生風格奇我負草堂兼負荔
武昌魚好自棲遲

桃花寄季瑩

桃花不自惜日日惹人來微雨未曾落明年應更栽亭
喧雜蜂雀路淺半蒿萊誰問元都觀前生若可猜

曾賓谷先生騎牛圖同華庵猛庵作二首

秋崖先寫課農圖某也識字耕田夫知得此生調伏久

為牛為我任人呼

自注邦上題襟集許秋農先生命題課農圖起句云燠也識字耕田夫今

之用

招鶴何如放鶴好騎牛須有覓牛時江流未涸山長在

惟見高松欠岳枝

自注湖北臬署後倚黃鵠山山舊有亭先生名之曰招鶴有詩有記亭今

圮先生集中有岳武穆手植松詩注在江夏洪山上今未見山已建新祠此一律兩絕他日擬書刻祠壁存此一段詩事也○

紹宋按一律未見

九月二十四日同伯嚴劍丞招樊山子礪小魯橫

山留坨仲恂集半山亭

小亭穿路在

傍一作

城隈秋翠和花落酒杯日晚蟬吟還

曳樹雨餘松色欲連苔江山信美留

一作

吾輩歲月相

望得此回

自注與樊山別八年

流水聲中換人世知誰能為半山

來

再到無錫拜高先生祠

病夫重拜漆湖祠
泉梗闌花似舊時
二十七年無一是
得名太早讀書遲

上海喜晤陳伯潛前輩賦贈

天意江湖著此翁
回思二十二年中
良辰一笑還能待
詩卷相思豈有窮
淺淺黃花添細雨
垂垂白髮對西風
尊前飛動甯無寐
久坐寒窗漏未終

新建青山拜陳撫部丈墓

枕中魂淚一作魂常經處
今曉衝泥上此臺
肅肅一作謾高
松非世物疏疏寒
雨助人哀丈夫一
暝曾何一作曾顧山
徑餘花有未開欲
去仍留腸已斷衰
遲真恐不重來

題邵位西先生遺詩六首

飄飄世路鸞鳳悲竦特高岡麟豹姿十九事兼七不可

蓋臣餘力更工詩

心知烈士扶人紀早識竒英出世閒伐木丁丁聲萬古

伏龍山與二龍山

自注曾文正公所撰墓銘有二國藩心知位西烈士也先生贈文正詩庶

見命世英衰圯一扶揀文正墓在善化縣平塘伏龍山先生衣冠葬西湖二龍山

獨窺偉抱尊醕士共有貞心友伯韓朱集非凡我所愛

戴詩如畫更誰看

自注先生贈醕士詩一首詩情畫筆世爭求偉抱深情人不察又與朱伯

韓先生生遊處至岳三公皆有大節光燭天地可見前輩於君臣朋友之義朝夕寤寐以之念此不勝敬悚鼎芬

丁亥主講端溪書院刻有叢書朱先生集其一也戴文節公使粵巡試連州有山水詩甚佳亟欲刻之再求不

可得文正題朱集詩驚顧非凡胎

舊學雷塘拜挽詞道光之末一流衰海西庵裏書成藏

又送先生數卷詩

自注伯綱以先生遺集初印本見贈即送入焦山豐湖兩書藏焦山者阮

文達公所荆鼎芬重理之豐湖在惠州鼎芬自荆

車聲自擾牡丹閒好句真能寫妙顏踏月芳塵法源寺

過時病榻玉泉山

自注先生牡丹詩深婉猶憶昔年三弟鼎蕃自黃州差回帶牡丹數本種庭下余有詩云此花自娟靜名沈世

上兒今三弟下世久矣追思泣然癸未甲申花時輒同先舅張延秋先生並載訪諸寺清談竟日法源寺石罅

牡丹最有韻致曾與月下賞之今年四月養病玉泉山隱居精舍有大牡丹一株庵主云春間開花一百七十

餘朵惜已過矣明春重來必見此花當和先生此韻也

花宜樓集前貺予今讀半巖廬畔書兩家門才盡風雅

幾時同食武昌魚

自注花宜樓集先生稱為清新吳子修同年自長沙寄贈前者已捐入當陽縣學堂書庫近欲荆建玉泉山書

藏子修允助之

半山故宅

題詩武庫至豪雄
變法君臣意所同
琴瑟不調原可換
蘭猶未別自難終
推公賢復惟迂叟
歎世因循有晦翁
遺宅荒涼共追弔
紛紛兒女鬧村叢

汪社耆畫青山老屋圖
迎沈乙庵歸屬余題詩

清溪老屋好歸來
昨夜山雲似已開
一道飛泉千點雪
幾株老樹百年苔

己酉元旦口占

栗里歸無下澗田
樂天詩妙說霜顛
多魚好雪真堪喜
吾楚今年大有年

己酉春詞

憂來無端去無際
天昏常夢曉常嚏
此時佳人衣夫容

含情不語當何世山下小桃三兩花春心千載得知他
偶然葉落無人掃付與村童燒早茶

獨作

一作己酉暮春

風打窗鐙似暮秋病翁猶自坐危樓苔蟲枝鳥紛紛盡
惟有一作只見江頭幾個鷗

己酉三月山居有懷兩湖書院諸子

幽居舊事忽相尋迢遞書堂十載心湖上花多應長水
石前松直定成陰朝廷養士憑何報江海懷人且自深
行罷春山還獨坐墓門高樹有歸禽

己酉三月還鄉省墓

長憶臨行誓墓詞寥天孤露竟安之便成薄宦嗟何補
不為殘年有所思風送紙錢灰漠漠酒澆墓草碧離離

疏林日落岡頭路應是全家上冢時

江南喜雨伯嚴有詩余亦繼作

二園佳句說甘霖損己憂民世所欽盡曉天人相近理
始償物我共安心撫飢往事艱難過望澤連宵敬畏深
寶華奩中仍不寐前賢求闕要追尋

雙溪寺夜



荒荒嵐

涼一作

月下前池獨夜思親有淚知五歲倚牀調

藥事十齡侍坐聽書時低徊少日嗟難再危苦餘生得
在茲熟鳥高花相待久人間何世我為誰

端五獨坐成咏

文武如雲士女狂鼓船端五競江鄉

一作鼓船坎競端陽

繁華

非復當時事幽獨難為此日觴白髮滿簪成老輩朱書

在篋感 先皇賦情羽扇一作曲低徊絕且與劉侯述

荔香一作試約劉侯叙荔香

五月二十八日感舊園雨季瑩屬題紅螺山房圖

六首山房先客子舅所居也

夢在紅螺山上花春風無主客無家憑將半夜相思雨

滴作輕泉一貼茶

幾多琬玉化為埃獨對青山懶舉杯耳冷心灰都不是

更無人譜鶴歸來

零落他鄉當故鄉臺卿臨沒極淒涼自憐不及山頭草

長得殷勤綠一房

荔支卻似佛羸兒研麝新鈔萬里詩酒裏不知廿年事

醒來還道是當時

聽松廬前煙澣樓誰知此地是西州人生祇合多情死
看得斜陽一角留

往者楊庵一月情西風上冢竟難成此生無分長安笑
畫裏寧蘭有淚聲

德宗景皇帝誕辰集廣州府學宮明倫堂行禮凡
四五百人禮成敬告父老兼示學生時宣統元

年六月二十六日

先帝英姿照萬區發揮神智想雄圖風雲慘淡龍來去
草木淒涼鳥叫呼南海衣冠看此日東京風俗望吾徒

楚亭設樂悲前事今歲今朝淚已枯

自注上年萬壽節鼎芬時乞病在鄂

鐙集四首

謹於織布局集百人置酒張樂慶壽達旦思之如昨

一鐙照無盡千載未為遠慵斟潞亭酒飽食惠州飯他
年定相憶今日且自反門前江水深月下荷花晚

一鐙照我坐一鐙照人行人我豈有別鐙自為分明想
君子此時若有千萬情情來如晚潮不知為誰生

以心與鐙較所光孰為長一點世界上萬象靈臺旁桃
花開兩枝老僧不下牀收視而反聽兩者俱滅亡

將心化為鐙照見夜行人無數衣錦者又有乞食民貴
自不如賤富自不如貧我告江海士勿負天地仁

九月仁先招集廣化寺述張文襄去年今日事感

賦

年年九日尋常會誰謂今朝是隔生賜食御筵恩未遠
題糕僧閣事初成悲風落葉驚秋氣圍坐深悲有淚聲

天上人間應不阻
暝鐘搖樹百回情

袁珏生翰林屬題蓮巢焦山圖二首先有陳叔伊

吳綱齋作皆及海西庵

碑幢都在干戈裏
猿鶴同為患難人
我見此山如隔世

雪中流涕說芳春

自注今年二月自海西庵回里

潘畫潘題我有之
屢年夢影落江湄
故園畫櫝能長好

他日煩君荅一詩

自注余藏蓮巢焦山圖自題其尊人五言古詩於其上

清溪小飲

天涯尚有此清秋
繾綣尊前共勝流
無念百年聊一樂
將銜微木有餘羞
明波渺渺還停棹
殘葉蕭蕭漸下樓
獨向芳洲紉蘭菹
歲華淹忽悵靈脩

江頭

新來嗜酒不哦詩日日江頭醉一時燕子桃花都過盡
禪心却被晚風吹

劍

間此一百月為中夜吟霜花生斷壁龍氣出高林蕩
蕩無恩怨淒淒說古今吾衰稀所用相伴入山深

玉山草堂作

廿年一奠媿為子

自注今年先君忌日上墳二十年來都不在家 萬里一棺初

見兄

自注從弟鼎茲游學日本學成竟以喪歸 往事椎心惟有血浮生彈指

豈無情秋花歷歷供遲暮夜雨淒淒說死生多謝故人

書意厚

自注廿年一奠萬里一棺季瑩書詞也

愴然孝友兩無成

几谷雁山圖題句二首

雁湖草滿改蕪田世界如塵大小千祇為聽經一念錯

來燒笋飯是在一作何年

章家樓過石梁斜天上雙鸞照落霞蘿磴飛泉杉塔月

山門幾樹水蕉花

實甫復官將抵廣州詩以迎之

六梅堂前君別我三柳門外我迎君
離合升沈不可說
王侯富貴安足云詩中攜有武昌月袖間還帶羅浮雲
病翁已啟紅螺戶備酒千杯肉十斤

實甫復官寄賀

九陛深恩到鮮民定知垂淚念君親
邊城三月當何罪

枯木重一作逢花漸見春於世得為名士餅污人莫惹庾

公塵山樓讓我聽泉好陶里朱庵有所因自注昔年與伯嚴實甫同

游廬山○所因一作夙因

鄜海雪卷為毅夫侍御題三首

二雅文心比二琴雲娘窈窕鬼門深芳蘭自為秋風死

照世神姿試一臨自注家有先生抱琴象他日屬社公臨副寄贈

縹渺天風吹夜泉誰為明福洞中箋勺園唱和詩還在

山寺藏書與謝傳自注焦山書藏有鄜硯唱和詩

黎畫忠陳書忠我所親危時報國要忘身吾鄉前輩多

忠節為語今朝折檻人

陳獨漉書張曲江感遇詩卷即集詩中字為毅夫

侍御題二首

獨客抱千意清吟悅芳春竹花食紫鳳蘭札慰佳人遲

遲日欲晚耿耿夢不親皎潔心自持何所滅吾神

草木知有生豈不懷吾春淹留漢上女寂寞山中人悲

心不敢歎非子我誰親朝陽奪重幽至誠乃感神

陳慶筮子復學海軍成東歸感賦

忍淚相攜喜汝歸驚心海水正羣飛習知兵事儒方貴
能感天心命可祈久坐相親中散狀衰年早息丈人機
孤兒成學堪娛母家國艱難願莫違

山中思伯嚴

圖

如此秋光不肯來慨然英氣未能裁寒林幾葉飄鷗意
高竹多風念鶴胎靜對江山存好夢老知農圃是奇才
癯僧莫把庭前掃留待佳人踏破苔

庚戌六月六日口占二首

紹聖二年黃魯直菊坡一脈李文溪自知前輩無尋處
性韻剛疏不易齊

眼前兒女在他鄉心在天山新草堂二頃荷花千畝竹
今朝拋了好時光

子賢以先世所藏江南昌牡丹屬題為賦三絕句

哀之此花可寶此人可悲前事在眼不勝黯然
紅殘綠暗子瞻哀今見此花哀百回一夜春雷兼雨雹
扁舟真恨我遲來

沈醉東風弱不禁蜂蛇雜處更侵尋如愁如血那堪賦
只有元輿識此心

能知芳烈叫天閻赤豹文狸森在旁記得百花洲上屋

水牕幽雨助淒涼

自注南昌教案張文襄公奉旨查辦
公派鼎芬前往鉤稽博采遂將江君

慘烈忠憤電牘詳陳公即據以入告為
某所格一字不報今思之猶有餘恨也

八月十八日子申招所持錫侯石窠集遠山籓各

呈所爲詩互贈因屬社公畫桐館鈔詩圖分題
於上限閒刪關還山五韻

酒深得病一身閒桐館鈔詩又自刪佳句有時疑隔世
清談無礙似禪關死生聚散那堪說搖落樓遲尚未還
韓偓笑人相待淺疏才多負合藏山

九月閒山社夜集歲寒堂同賦春蠶食葉杯一首

用前韻

事事憑心各各閒寒花相對草慵刪微蟲亦解譏當世
何物居然下九關祐宋在人天必聽沼吳有日旅終還
吾儕各矢愚公願定見神蛇負二山

三用閒山韻荅石巢兼懷伯翰

二十年時綠鬢閒賢兄傳表轉脩刪鳳麟落世嗟無命

虎豹欺誰竟在關四印堪為山谷友萬人難贖少游還
慙余視息堪溝壑尚憶初逢瘞鶴山

子申餽詩有溪上白雲頻悵望句蓋知先墓在白
雲雙溪寺旁矜此孤兒其情不淺四用閒山韻

荅謝

君親兩負得身閒一事無成萬念刪溪寺雲多頻獨卧
柴門客少愛常關自注病歸寒舍未見一客聽松心上分喧寂飼鶴
苔陰任往還異地淹留長是病泣然南望墓前山

乙酉九月罷歸與伯愚別於棲鳳樓自此日後今

始再見時庚戌九月

驚喜相逢豈夢中少年彈指各成翁艱難飽閱身還在
憂憤交來淚不窮花可傲霜看晚節鳥思填海有愚忠

深杯共把翻忘病江上斜陽正晚紅

十二月二十日伯兮忌日意園獨祭感賦

積雪參差欲折枝清晨來展蓋堂祠十年已往悲還在
九死難言世未知念念淒涼蕭寺路看看殘斷舊屏詩
頭顱如許惟孤憤昨見徐坊說病時

辛亥南園詩社重開社散歸永願庵得二十八字
千載相看自不前陳芟委地草連天來參十上光明佛
衆裏拈花豈礙禪

南園詩社重開賦詩會者百數十人

十子芳型尚可鑄三忠祠屋舊相連儒生懷抱關天下
詩事消沈過百年老柳疏疏人照水山亭隱隱竹成煙
閒來風物當誰賦空憶陳黎一輩賢

九月八日三賢祠秋祭感賦同許十八丈葉一兄

作

三賢有風矩九月薦崇祠

自注楚白修祠甫成

患難看吾輩

自注是日

與祭僅二人餘皆移家

忠貞荅主知憂時無一飽

感事得新詩落

落歲寒友出門涕向誰

書

圖

節庵先生遺詩卷五

江

浙

十二月二十日... 浙堂... 節庵先生遺詩卷五

節庵先生遺詩卷六

辛亥九月十五夜

番禺 梁鼎芬

滿地淒涼月平生忠孝心無人同此夜有子和之琴注自

幼兒在傍彈琴將曉祠鐙在微暄樹鳥吟不眠哀不去人事又

相尋

別季瑩

千懷無一語今日是他生把劍恩難忘登舟淚已成明

明天在上漸漸日西傾磊磊丈夫事悽悽兒女情

寄曾習經時方解官

挂冠遂去抑何愚修潔衣裳肯點污每見輒聞詩在口
當離不覺淚霑鬚微臣有祿歸娛母大厦無人久棄儒

可惜濂溪祠外月清光儻未待斯須

紅梅和乙庵太夷石遺四首

紹宋按此辛亥以前作編時失次

人世未春花已開清晨能得幾人來
小窗就暖初點鏡短檻憑香獨舉杯
繾綣天涯長有淚暄妍枝上欲無苔
定知一念差如許寸寸相思併作灰

丰姿豔拂女蘿牆修竹天寒翠袖當
雪後風前成絕代林邊水際共斜陽
開簾酒罷剛迎面聞笛歌殘暗斷腸
一瞬百年嗟一映瓊枝禁得戀春芳

菊坡茗茗雙溪冷心夢同歸身未歸
壯士朱顏兩值遇他年白髮看成圍
騷情不得故人面春色難沾無母衣

惆悵此花折未折眼前窈窕有依違

自注菊坡精舍先師講學處白雲山

雙溪寺旁先墓在焉兩地紅梅絕佳曾與慶筮坐花下今慶筮歿十二年余不見此花十一年矣

嫣然幽草意求親
雨過花間路少人
濃酒本分前後際
忙閒都付去來塵
春回處處風懷薄
日曬枝枝色相真
雀啣芳心還未死
夜深啼血恐傷神

簡籀園

八年不見舌猶存
萬劫初回酒尚溫
攜向桂廊聽秋月
不知人世幾黃昏

壬子春怨五首

桃花辟世認前身
誰謂尋芳是路人
撩亂林亭門外騎
清寥池館雨餘春
華年倏去瓊簫恨
冷月空來寶鏡塵
獨抱素琴宮漏歇
淒涼鳳翮共龍唇

龍唇又一本末二句與
第二首末二句互易

紅梅何事有雙身
永夜孤心不寐人
病馬雪寒猶戀月

流鶯天暖即爭春情中劍首輕吹吹劫後琴心忍作塵
玉女遭迴還在側雲璈奏罷慘頰脣

露滴鸞衣窈窕身香成終有返魂人微薦花色頻看日

將盡鐘聲不貸春玉合收時存夢影瑤笙散後愴音塵

天荒地老相思淚化作春一作寒潮啣石脣

暗雨殘鐙共此身深閨微歎更無人野塘芳杜先侵水

市窖唐花竟奪春電火乍飛鸞墜影林風忽過燕驚塵

玉驄一去歸期杳匝月蘭醪未染脣

樹老園荒藤繞身雙扉今啟久無人咬花錯引金鈴犬

竊藥爭尋玉洞春草際鹿蹤知暗路雪時鴻爪惹纖塵

題紅自笑誰曾見多事琴僮一展脣

疊前韻懷磔厂

諸公負國但謀身獨憶朱雲千載人隻手尚思迴落日
兩心猶與惜餘春市兒都愛五斗米橘叟來收九斛塵
忠義研磨吾不及看君肝膽與喉唇

簡敏丞三用脣字韻

寺外頭陀尚有身歲寒堂裏歲寒人

自注敏丞雪入公門人于予最厚予乞

病後時

濃陰覆牖難逢日野草連天不作春襟袖淚痕

疑是酒軒窗詩夢散如塵遙知柳浪相思月照見掀髯
酒上脣

淒涼一首四用脣字韻

箕子無殷豈有身吾謀不用歎無人孤兒失母淒涼雪
孀女懷夫決絕春招具篝邊啼楚些緇衣篋底惜京塵
坡公自寫傷春句芳草黃昏點絳脣

醉一首六用脣字韻

紹宋按用脣字韻詩尚有第五第八第九第十四首未檢

得非刪節也

雙翼漂搖彩鳳身月斜瑤瑟泛佳人更無一箇男兒在
尚有千花頃刻春雪壓梅枝驚玉戲風回蘭袖散珠塵
瑤池王母胡為醉玉樹歌成淚滴脣

冬郎一首七用脣字韻

自昔酬恩要殺身冬郎曾捋虎鬚人微寒蜂蟻初依草
明日池塘不是春惜別馬蹄聲暫遠傷心柳色綠成塵
早知妖冶能傾國況有櫻桃一點脣

哭婦一首十一用脣字韻

誰從樹下辨真身笑指偷兒得短人憔悴風花欺白髮
嬋娟身世負青春新鶯偶破紅窗夢細馬爭隨綺陌塵

惟有少原一哭婦亡簪不見不張脣

冠玉一首十二用脣字韻

冠玉腰金各有身去來鷹兔不逢人天低空泣虞淵日
雨散難爲上苑春一夜星辰全改色六街桃柳盡飛塵
會稽行事焦思否容易三年負此脣

辛亥秋子申在宜昌陷賊中屢瀕於危壬子正月

方脫虎口攜眷來滬作此代柬

亂中聞汝死病裏見君來天地今何有相逢剩酒杯

題程伯翰詩扇

獨坐荒江老屋居此詩尚在此人無自知涕淚無乾日
夢裏相逢一慰予

憶鍾山籬園

歲月蹉跎負汝多東風昨夜淚成波潭深欲雨生蛟氣
林密無風走雉囹酒了每回論世劫人歸幾日長庭莎
當時尚計重來夢飄盡紅蕤冷素娥

黃山人以少見世人畫扇見贈率題一首

世人吾欲見畫者爾何愚不見彼妾婦昂然亦丈夫
蟲沙紛滿目鷹犬在當途更欲煩君筆來摹人趣圖

題耐寂種菊圖

惟憑千斛淚澆此一畦花留我題秋影談深覺日斜
重來猶識路萬劫不爲家尚可南湖住將英奉母茶

失題

一客尋山一客漁疏疏柳柵儘安居無些子事來相攪
風過浮雲不道渠

意園遺象題贈儼山菴

人中久別百源眉
顏色驚看似舊時
早死寧知非幸事
偷生相見尚愆期
殘春花有千年淚
知已今無兩首詩
料得九原長不瞑
同君追往泗交頤

失題

紹宋按此依公書扇錄入未知何題公自注云此節庵詩事寫付越園表姪藏之

吾心四海一仁先
精衛冤禽不可憐
應記石闌辛苦語
明明白日在中天

潛樓讀書圖二首

勞盛山頭有所思
嗟余與子又分離
黃花九日天涯雨
未得闌干共愛時

願力難言萬念灰
夢回前事上心來
靈修浩蕩吾安問
滿篋叢殘帶淚開

題畫六首

栖鳳間齋近意園疏庵來話一開門青天蕩蕩圖難問
人事紛紛劍尚存

楚尾吳頭數問津千帆閱盡未抽身輕舟無恙歸裝穩
始信菰蒲大有人

八九芰開逢散原殷勤爲我說汪村歸來庵在何時到
同汝蒼苔檢淚痕

衰柳成行雁字稀白門送客一帆飛羨君此去行囊飽
滿載江南書畫歸

文敏忠敏君所親二公真是千載人前窺篆勢今書稿
大井自注大井胡同一茶三十春

三圖絕代趙程王尚欲遺民補一汪我是王尼歎滄海

看他帆挂已斜陽

題畫四首

昔為彭澤官常飲義熙酒茲花自有質天寒更長久
論馬要神駿支公乃英雄坐看萬劫過愛此林下風
問汝生何年胡為邕所知終生不作琴蕭然風露姿
孤山是何世鶴有逋仙陪誰知萬梅花一點汗蒿萊

題蔡毅若學士梅花便面

抱冰堂上數人才江漢清風共一哀留得梅花在人世
異香一日嗅千回

徐隨庵鍾山訪碑圖題詞四首

開圖彷彿是前身惟有悲庵畫得成林木依然三徑改
幾人來此聽鐘聲

寶華論碑跡偶停仍年聚散酒初醒松蟬亭外淒涼月
說到當時淚已零

風檣戰艦當年酒古旨今情幾個人何必追傷乾道事
重論光緒已酸辛

寬閒日月誰三泣跌宕溪山自一筇愛我隨廬不改度
雪深來聽定林鐘

訊治薌

海上來尋賣藥人含情未語已酸辛斜陽慘淡在江水
芳草纏綿與路塵賸有孤吟酬罔極誰知對哭是良辰
蘄庵一晌前生地莫說枯槁劫後身

自注辛亥十月晤
見溫毅夫齋中相

對悲
哽

耐寂治薌同過時雨後無坐處

危樓連雨欲傾牆濕帳侵晨就日光得意小蛙頻據案
欺人黠鼠輒殷箱竟無草具延佳客笑見苔花繡劍囊
已較臺卿復壁好亂思遺老當還鄉

王檢討

閩運

回湘賦別書

為憶江南亂後山飄然巾笠往仍還百年心事看殘照
一代文章有要刪杜本谷音吾所屬黃衷海語若相關
崇陵片石歸裝穩頭白臨分淚對潛

自注方謁

崇陵歸以石贈檢討

歌者王瑤卿畫梅

凝碧池頭幾歲苔惟聞叫月翠禽哀憑他一紙淒涼色
夢見瑤華淚暗來

答寐叟用晞髮夜坐簡韶卿韻三首

悲訝燕趙間仙躋邈難攀鐘武聲思將公愚志拔山酒

能參妙理圖與攝愁顏老我柴門閉參差宿鳥還

題詩天地間浩氣孰能攀病客惟宜酒樵夫自有山羅

松須苦節韓燭照衰顏共汝相思淚魂兮庶一還

花落滿人間春情不可攀他年憐獨自

自注雨夜呈韶卿預恐今宵雨

他年獨自閒

閉戶即深山落落猿鶴性蕭蕭松桂顏尚憂滄

海涸采藥已先還

簡茶仙亭二首



素衣犯雪有餘哀春滿樊園我始回今早到門忘卻路

杏花喚我出牆來

哦詩終日在花中貌少心孩七十翁好鳥枝頭翁所厭

朝朝喚醒不相容

春歎

處處芳林不當春斜陽幽草獨傷神心如柳絮嗟同劫
身與桃花共一塵嬰武能言前世事杜鵑空泣未歸人
浮生到此堪腸斷翠檻紅窗盡作薪

寄懷王祭酒師平江經舍

書副傳聞在岳陽黃巾尚愛鄭公鄉閉門得禍知將亂
辟地全軀祇自傷玉石焚餘還有火衣冠氣索恐無陽
門生垂盡從溝壑執簡何時上禮堂

癸丑浴佛日伯嚴於樊園招餞林侍郎游泰山題

詩何詩孫圖上

樊園花光詩盡收所得春氣貽朋儔散原有興清且道

爰於佛日羅觥籌融客二六非常流自注瞿止相繆炎

沈濤園周考甄王完巢林或云雲臺四八興漢與之侔

貽書吳綱齋等共十二人

又似月泉諸子思宋相唱酬白傅齋期兼進羞自注止相常素

食坡翁說法能決疣自注乙庵通內 甫仙飄然佩吳鈞

亂後初找西湖舟自注侍即遊西湖 乘興尋碑覓蝸牛

二客相從如兩鷗自注完巢貽書 可惜青霞不同游楊

忠愍祠茶一甌自注祠在海西庵內自余來 侯宮寶刻

榻得不自注陳古靈石刻屢年求之不得辛亥正月始

酌金園花鳥悲啾自注可莊前輩于鎮江府署以二百

思泣然因訪杜鵑思羅浮茅山南夢夜悠悠崧臺七巖

一載休嗟朱新楊銳徐鑄皆山邱自注余與朱林兩前

相繼主講端溪書院皆叔嶠言之也徐字巨卿少日文

字交篤嶠乙酉同 師友情至淚溢眸端溪講學今曠婁大

年交好早歿 師造闕陳清猷憤視闍佞同親讎遠謫遂過鸚鵡洲自

言主聖臣多尤見我荷衣想岑牟牛翁

自注南皮自號覺叟自注

義甯自號禮義稠武昌無事相綢繆桂堂柳亭何其幽行矣

太守剛濟柔昔騎驄馬籠入騶更畀政地規深謀公獨

感激無夷猶笙磬同音鏘二球

自注謂止相

乃觸所忌不少

留我方開口誅曹劉笏不能擊簪可投座上有人霜滿

頭聞言色慘中歎愀死生聚散海一漚不如登岱瞻魯

鄒恨未追隨跨青騮昔年題詩于門樓

自注甲申十二月朔大雪獨登

泰山題名日久石黝何能搜想公神光燭九州北望帝城浮

雲愁政事堂空叫鵙鷓狐兔白日跳御溝吾皇深居

荷天庥聰明典學親君疇

自注堯學於君疇

西望荆軻之山陬

燕秦幾回歌靜修

自注山在易州西五里劉因荆軻山詩紛紛此世立良苦今古燕秦經幾

回又五十里豐松楸永甯山尊垂龍旒

自注泰甯山在易州西五十里

泰陵在焉
廟因名永甯山

純
前開殿門飄九旂
自注暫安殿在山前

崇陵

哀哀土一杯津橋對泣悲哽喉南望石室風瀏瀏題名

記有包與周
自注包孝肅慶歷三年題名周見公熙甯二年題名皆在七星巖丙戌搨贈南皮及

朱繆兩前輩叔嶠舍人皆云未見以為至寶二十三年夢巖湫百劫不到惟

酒藟車望大別柏如猱
自注吳萊觀溪陽大別山禹柏圖詩大別古柏立如猱洪

山岳松又如蚪
自注洪山有岳忠武手種松道光間尚存見曾賓谷詩注丙午南皮建岳祠山

上種松十數株今恐不復存矣何時兵火都為標柏邪松邪亦蜉蝣公

今登山須鋤耨祈神助聖必雪仇誕降麟鳳教貍貅潛

心默禱告所由羣兒嘻嘻撞金甌羣賊信信弄戈矛貴

人名士為倡優屠沽走卒多王侯邪臣傾邦甚于賊大

盜移國置之孛重者誅夷餘幽囚出民水火散以鳩河

山再造四海謳日月重光百怪度神若有靈如我求有

申及甫病即瘳正直感通誰敢偷敬告詩史勤雕鏤斗
南文華區薰猶彼哉紹術徒咆咻主人所學廬陵歐自注
歐詩紹術權備爭咆咻我詩寫願以銷憂此園此夜成千秋

無題

秀夫赴海心難滅正則沈湘志可哀悵望千秋吾淚在

崇陵橋下有人來

題陳師傅聽水齋圖十首

本

紹宋按茲篇次第各本不同今依公子劬手錄

閱盡千花帶淚歸歐公知事與心違人間亦有王官谷
我欲題詩表聖衣

器之鐵石昔曾聞袖手關河日已昏第一清閑公占盡
在山泉水出山雲

搖曳天風挂白龍千憂萬念一時空世人那解來聽此
二寸荒苔得鹿蹤

海屋添籌已六年詞人幼點菊花前憑闌想見詩懷遠

此地重來獨惘然自注改窠前輩六十生日自聽水齋
來滬同伯嚴治酒為壽幼點偕行

靜坐能窺造化原世間螳雀日相喧后山弟子知名久

今夜初逢黃嘿園自注是日濤園
南來嘿園新識

抱膝龍川今見之水心君舉各為詩此中耿耿無能發

傑句高情欲待誰

山中歲月最閒長酷暑何曾到竹旁留得幾人心不競

盡將憂憤化清涼

千年治亂事如絲獨坐空中料理時識得陰陽消長故

天心留作帝王師

朝陽一鳳在高岡風雨蓬萊久未忘滄海近來無好夢

祇因戀闕未還鄉

自注初夏病榻追懷昔年南橫街與公連牆如隔世矣

萬竹清風世上無君恩難舍舍江湖朝衣微濕銅仙露

曉月東華又一圖

上元夜飲圖沈庵侍郎屬題

庚辰此夜攜阿瑛市樓觀鐙緩緩行

自注宗室寶瑛為伯蘭員外從子已

卯冬延余授經於煤渣胡同明年二月晦若來試同居七月移至南橫街吳柳堂先生故宅寶瑛字俊蓀有志

節早逝我生始作上京客到處都聞樂歲聲壬午移居棲

鳳客意園時時獵書冊

自注是年八月到京居米市胡同葉南雪丈舊宅後園十二月

移棲鳳樓與宗室伯曦祭酒密邇癸未甲申上元夕同觀鐙街市

憂來縱論天下事酒

壘未罄窗已白死生如夢事如煙誰謂兵塵在眼前座

中齊下神州淚我見王孫更愴然

忠敏公端方櫬歸重來鄂渚迎之口占一首

衰鬢重來淚盡傾江山如此不勝情孤鐙細雨闌干濕
留待他年話此生

題所持遺象

癸丑九月

昨宵通夢寐今日見鬚眉貌為思親瘦詩因歎世悲間
山春散久滄海我來遲幸有門生在編鈔共兩兒

所持翁遺墨為其高弟程康題

元賓字幾個東野淚千行

自注孟甲李元賓遺字零落三四字忽成千萬年

退

筆久成冢遺詩光滿廊憑他酬贈蹬對此念芬芳栖鳳

題還在

自注翁客鍾山時以看作棲鳳宅句為聯寫贈今藏于家

余情永不忘

總兵岳樑宴官舍松下作

意園花好夢難長淶水山多迹久荒

自注總兵與伯曦最契余初識於意

園壁上常留二忠字

自注有志文貞
端忠敏所書聯

人間尚有四松堂

文章何用輕相許鬢髮無情各已蒼三十年光一彈指
泫然聚散與興亡

潞菴侍講謁

崇陵住種樹廬三夜臨別賦贈

君家晴眉閣遺基在我家家貧今有主世濁不生花夢
到豪賢宅情深淡泊茶相攜說忠節陵下一長嗟

贈張都統

德彝

聞名不相識今日意何如舊夢紛難錄深談一起予無
人能共淚有暇即鈔書寸寸傷心雪朝來掃殿除

題雙鶴畫本昔見端忠敏公施之于水晶庵感而

作此

焦山水晶庵雙鶴宛如見林屋似當年不逢故人面

夷叔巽宜往客焦山時時相見詩以紀之

三人未死且相視一笑此來如往年寂寞酒樓春已去

淒涼山寺燭難燃甯論壽夭為誰幸惟有沈冥覺獨賢

記否百金園夜月林棋吳畫總成煙

自注此思王鎮江也

黃忠端詩墨二首

滄趣樓前眼忽明大中橋上夢還生吾家亦有雙松畫

乞一評

倪黃二老氣撐天一册衣雲亦夙緣好事世間應尚有

他年石墨願同鐫

磚塔銘

文訪才如弈載長橘州潛研恍同堂讐碑舊館兒時事

肝肝還求一字商

潘學士文宅重過感賦

入門處處總心悽舊夢新懷說不齊
緝雅堂花供酒賦定香亭月見詩題
當年但覺尋常事回首真令八九迷
一語告公應一笑干雲青竹有鸞棲

乙庵移居詩和韻同晚晴散原四首

巨山沈海自應遷仙聖蹇華落海壖
晚歲浮萍似一作共

高密單身結草見一作自阿先養和隱
具人希有野服閒

情天所憐幾日新居將識路茶仙亭子
在西偏

陽葵亭閣肯相標婉變交親忘寂寥
我佛依然共泥水

故人健者已雲霄白注前與乙庵論同年王文
誰來淵敏志文貞事荅書詞氣甚偉

底潛追日怪事江頭竟不潮危涕尺餘
同對久問師神

理可能超

珠巢鳳跡老牆身了了前生更斷魂海上樓臺非子舍
病中風露識修門開元盛日尋常過德祐師儒一二存
今夜桃園還有月無人愛惜到苔痕

書物雙騾負一車彭城漂泊對牀如書籤凌亂堪僧懶

燭淚消沈忽歲除隨地山居忘世法辟人夜坐叩天樞

街頭尚有王胡榻曉露牽牛照破廬自注沈山子云介人所居只破廬一

間種牽牛小庭中曉露未晞即對花吟詠

為翼文叔題景東甫畫梅

少小同書館簷花照幾春三桑看老大萬事話酸辛輕
世無如酒全天自有身將軍豈不武手筆已通神

子申為文蘭亭畫松題二十八字甲寅冬至

老臣家在慕陵東犯冷穿林雪幾重還說年時暫安

殿每朝來拜五株松

子申畫榴花寄吾姪榴齋賦謝

約盦於我如兄弟手寫紅榴似我家付汝一枝須記取
后山處獨不祈華

為廿七叔題子申畫梅花

蓮鬢閣邊月梅花莊上心良辰芳酒薄故國淚痕深夢
見清白樹詞哦小翠禽歲寒念予季自注杜同對伯
牙琴在漢口

甲寅五月以楊忠愍忠烈二公集付楊生履瑞

不愛三楊愛二楊文章忠節有輝光應山墓與焦山象

他日相攜拜此堂自注天山草堂

甲寅十一月二十日子申畫松梅分貺陵官各題

一詩

遺山橫身昔所過
吁嗟松兮將肖之日
日雪風都不管
閒來試取兩三枝
李亭收淚見梅花
偶住鍾山數鬢華
天地荒荒人迹少
不知鐵石在誰家

關揆生七十生日

少游萬松自注後六榕敬君
淡靜忘窮通
吾儕有酒不問世
往事如塵都已翁
心曠惟看芝草長
神全不倚杖
苓功楚庭耆舊無
幾箇四十二年說
秋風

江陵千里圖為田郎庵作二首

三游洞石訪歐陽
舟過江陵已七霜
莫問玉泉雙鹿跡
劫殘蕉夢亦俱亡

海外歸來得異書，郎庵好古更親予。
寒窗來說南唐事，大雪許學箋成似二徐。
田生潛著有二徐說文箋異

乙卯二月公雋二弟上海侍母病有懷一首

吾弟郵書急貧家，奉母難山深身尚在春峭。
雪初乾墳墓思泉石，江湖惜羽翰教忠書塾在此意付誰看。

題志文貞公遺札



十年持節又重臨，萬里冰天紂絕陰。
謝外魚車田孟志，裹屍馬革伏波心。
生還遠塞非公願，歸葬沙溝有弟任。
慚愧故人須已白，遺書猶在淚沾襟。

和一山太史詠雁

念汝曾為四品官，雲間行夢斷金鑾。
知他幾個淒涼字，肯與唐風鴨共看。

蔬園絕句七首和放翁寄黃孝廉

棲遲山中不知餓手寫龜堂七首詩遙想故人黃藻仲
春來蔬圃正忙時

抱甕居然似漢陰間情相屬夢中尋不知佳物須多少
方慰殷勤此叟心

掃除一室要支持草木生涯世未知趁雨安籬緣底事
爲芟惡草護忠葵

不妨近事百源窩地小回旋已足多味有土膏風露氣
無人說菜及東坡

幼聞六祖隔籃名南薤西芹二美并汲得明泉饒老興
新詩裁與式洪兄

行宮朝露泣梨花種樹餘間來種瓜誰照孤忠心上事

葵霜閣外月初斜

蕪蔓耘鋤有此情
白頭南北愧無成
思春留得東風菜
待見歸人共一羹

莊西海棠

兩樹驕農舍短籬
新護之誰云不知貴
我意自相思宏
行庵前轍紅螺房裏詩
自注十六舅所居海棠最佳
病漫扶持

乙卯雪夜

將心與雪戰
滴血於土中
雪竟不能白
霎時化為紅
勇哉心不死
天或為之窮
哀哀山中人
空林來悲風

贈鄧仲果二首

斜川家學龍川氣
讓汝才名出一頭
如此江山肯相訪

漫天風雪不能留
惟我心知中散狀
他年誓刻澹庵詩
淒涼世事無人說
短燭寒窗泣別時

丙辰四月送伯嚴還金陵散原別墅

初夏輕陰抵晚春
花言鳥語待歸人
到門喜見脫綳筍
行路都知避世巾
萬事飽看同縮手
一觴聊可自由身
挈家穩住鍾山下
我友顏蕘是舊臣

春贈慈護一首

炳炳青霞集巍巍
海日樓佳兒懷祖母
正學接蘇州通
德門風舊延恩世
澤修高歌吾爲子
老興慰苻萇

子申畫松柏贈胡愔仲題五律一首

吾心有松柏不肯植
人間共愛冰霜性
難傷麟豹顏歲

寒知恐負獨秀感多艱莫論漸臺事公賓就已閒

米漢雯山水畫卷爲涉江題

林巒富如此莫道涉江貧相對禽魚樂獨行松桂親桃源心上有瓊島夢中頻招隱誰堪侶吾衰算一人

失題

丁巳年作

丹心惟共一鎊紅四海無人識此翁射虎斬蛇都不得衰年始信百無功

野園看菊花荅黃節一首

話到南園淚已深無詩負汝百回心黃花多恨今方見白髮何因病更侵秋事闌珊人幾在鴉聲零亂樹全陰思量此會憑何記主客園亭值一吟

丁巳十月二十夜寅初過口子門

去年此夜已堪悲不謂今來痛倍之十載英靈頻擁護
幾人危苦與支持天心未悔將何問臣罪難言只自知
白髮遂良望前路冰風橋上五更時

牡丹

遺世孤芳自有真嫣然月夕與風晨傾城難得春容易
梳洗隨宜不爲人

題子申畫春心秋心冬心圖卷八首

微生啼血化爲花春也無涯恨有涯留得此心照天地
千場風月一杯茶

自注温副憲杜鵑

春心

人間尚有義熙花親手栽成只此家何物欽鴉吾後在
千秋標格不由他

自注陳侍郎菊花

秋心

松柏青青天所佳塵中獨秀自爲齋履霜犯雪尋常事

那攪生來鸞鶴懷

自注胡閣丞松柏

冬心

寫出三心不二心花間松下費沈吟收將滄海無窮淚

濡入湘毫寸寸深

自注總論三心

三君少我廿年詩患難相親一畫師爭說虬鬚生虎口

看他白刃不驚時

自注子申

憶昔冰壺愛夏心屈陶忠潔共追尋荷花惟有豐清敏

水面搖風意自深

自注乞子申畫夏心○壬辰游鄂張文襄屬發兩湖書院詩題云首夏雜

詠屈子陶公皆愛首夏諸生以所學所志言之

負盡恩知到此時尚留殘命賦新詩興亡豈盡關天意

自是臣愚有未知

自注自責之詞

莫將忠憤說蹉跎水火蒼生待命多

未知儒效竟如何

自注此五人互責之詞

戊午九日遙集樓

細玩黃花比舊同千秋寥落攬予衷高樓有酒人皆醉

佳節無風日正中自注此深慨于得句漸遲方覺老種

松當暑尚成功自注張文襄公入覲日于北學堂後種

勝天遂種之丙午鼎芬來京臨行日記得看六月松活

幾樹及來看報之日松都活矣公大喜以示鮮菴此松

事也來者或不知公所死生聚散都如此不見當年六

一翁種且在六月故詳記之沅叔出示舊藏元刻通鑑為題三絕

百宋千元總宿因霜紅庵裏有傳薪誰知巨浸滔天日

一紙能承萬劫塵

祖硯清芬必可傳蝸廬早有蠖居緣病間細數焦山夢

滿籠蟲魚昔自箋自注讀書焦山數年最愛通鑑胡注

日錄數條以意解之晦若云似誠齋

之說易有數條太露又云不如刪之免為
全書之玷也馬季立每讀一條為之擊節

八千卷樓今已虛黃墨精謹上綠蕪四庫未收誰可續

邵亭堯圃要來扶自注錢塘丁丙家藏書樓上中一座全放四庫未收之書予曾到數次主

人告予曰此專備他日四庫重開以全分進呈也樓之

左專藏宋元明國初佳本題曰八千卷樓丙午來京

陸辭日面奏請重開四庫慈聖面諭云你所講就是

四庫提要此舉甚好但太大一時做不完鼎芬續奏請

將杭州文瀾閣已鈔之書全錄一分置之京師重建一

閣題名又於五城地方各建一圖書館儲藏應看之書

任人借閱其益甚大慈聖許之嗣

聞已諭某尚書辦理迄未能舉也

已未病中口占
往事都成夢愁來只賦詩
夢殘詩尚在真是斷腸時

節庵先生遺詩卷六

右節庵先生遺詩六卷吾師梁文忠公稿也光緒
中葉公主講兩湖書院弼時以諸生執業門下尋
有選派游學之舉被命而東既卒業服官京外與
公遂疏濶己未十二月公卒於京師弼謀刊公遺
詩稿多散佚蒐集良難公戚余君越園檢公遺篋
得舊刻詩稿二卷復四方徵集又得四卷手輯校
讐貽弼付梓計自公卒後始徵集訖三年而茲刻
乃成癸亥三月受業沔陽盧弼謹跋

浙



浙江圖書館





浙江圖書館



浙江圖書館




浙江圖書館




浙江圖書館

811.18
3824



浙江圖書館



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black